

MBATA YIKUPEREKA KALIRIRO

KAMBURA KURONGOSOKA

 Yewo chomene, M'bale Demos. Ndi mwaŵi ukuru kuŵa kuno mu kuwungana uku kwa Chikhristu usiku uwu, kuno mu charu ichi cha ayisi. Ndipo ine nangufonera kunyumba, kanyengo kajumpha, ndipo ndi kwafunda pafupifupi twente digrizi, kunena Kumpoto kula, kuruska umo kuliri kusika kuno. Ine nanguyenera kuti nthena nangwiza nacho icho. Ine ndifulumirenge na kwiza kamozaso, nkhanira mwaluŵiro. Mbewu zose zikomira na kuzizima. Kasi iwe ukughanaghana vichi za icho, Creechy? Ichi ndi...[M'bale wakuti, "Kwazizima."—Munozgi] Nadi kwazizima.

² Ndipo nakondwa chomene kukumana na mliska muweme uyu, usiku uwu, na kumuwonani imwe mwaŵanthu. Ine nangufika waka, nyengo zichoko. Ine nafika kufuma ku Tucson, uko ine nanguyenera kuti ndirute muhanyauno. Nkhanyamuka pa galimoto usiku wamara, ndipo nangufika pafupifupi thusate mlenji uwu, kusika mu Tucson. Ndipo ntheura nanguŵa maso dazi lose, kusika kula. Ndipo nangufumako nyengo zichoko waka... Enya, ine nangufika, nangufika waka pafupifupi orana-a-hafu, ine nkhusachizga, yinyake ngati iyo, kunena uku. Ndipo ntheura ine nagona mwakukwanira viŵi yayi. Kweni ine ndiyezgenge kuti nireke kugona pano. Kweni ise ndise—ise ndise ŵakukondwa kuŵa kuno.

³ Mnyamata muchoko uyu, wakuseŵera na mamayikurofoni agha uku. Ine nangukhala pasi kumanyuma kula, pa a...umoza wa mpando wa ŵana ŵachokowachoko. Mnyamata muchoko wangwiza, wangundilawiska ine mwachilendo chomene. Ine nanguti, "Ise tose ŵana tingamanya kukhala pamoza, tingachita yayi ise?" Sono, ine nkhuŵatemwa chomene ŵana ŵachokowachoko ŵara, munthowa yiriyose.

⁴ Ndipo ichi ndi, o, ntchiweme chomene kuŵa kuno usiku uwu, na kuŵa na gulu liweme ili la ŵanthu ŵayimirira zingirizge. Ndipo ine nkugomezga sono kuti M'bale Williams wamuphalirani mose imwe za ichi, na M'bale Rose kuno, za ungaro uwo ukwiza. Ine nkhusachizga kuti imwe mukumanya makora ichi. Kuŵa ku Ramada, nkhanira mwasonosono, ungaro ukuru wa ŵa Business Men. Ndipo ise tikukhazga nyengo yikuru kula. M'bale Velmer Gardner, wakuziziswa, mupharazgi wankhongono; na ŵapharazgi ŵanyake, Oral Roberts na ŵanandi, ŵazamkuŵako kula. Ndipo ise tikukhazga nyengo yikuru mwa Fumu.

⁵ Ine nkhugomezga, zinyake za nyengo izi, tiyen'i tizakaŵe na chisopo cha machirisko mu malo ghara. Uh-huh. Ine nkhukhumba kuti ndizakatore M'bale Oral, ndipo ise tikumane pamoza. Enya, bwana. Kasi icho chingâwa chiweme yayi? Icho mbwenu chiwenge a—kuchita makora pa ichi, chingâwa yayi ichi? Chisopo cha machirisko, kusika mu Ramada, icho mbwenu chizamkuŵa chiweme. Ise... Ntheura ise panyake tingachita icho, imwe mukumanya. Fumu yingamanya kutipangira ise, kuŵa na chisopo cha machirisko. Ntheura ise a... Kwendanga kuzingilira sono, kufuma mpingo kuruta ku mpingo, kuyezga kuti tithandazge makani ghaweme, na kuchezgerane yumoza na munyake, na kuŵa na wenenawene mu mipingo yose yakupambanapambana. Icho ndicho ise tikugomezga, kuti ise tiri wamoza, mwa Khristu.

⁶ Ine nkhayowoyanga dazi linyake kwa dokotala. Ine nkhunozgekera kuruta ku sirya la nyanja, ndipo iwe ukwenera kuti upimike muthupi. Ntheura ine nkhafike kuti ndipimike. Ndipo iyo wakandiŵika ine pa chimoza cha vyakupimira vira... Ine... Kunifumba yayi ine kasi ichi ntchivichi. Ndipo iyo wakasanga chinyake chachilendo. Ndipo iyo wakizaso ndipo wakatondeka kuphara ichi, ndipo iyo wakatora kagulu ka madokotala, ndipo iyo wakatondeka kupulikiska icho. Iyo wakati, "Ine ndiri kuchiwonapo yayi icho nakale." Ndipo ntheura iyo wakandiwoneska chithuzithuzi cha ichi, umo kuti kumanya waka wamba, ndipo iwe uli na kureka kumanya, ndipo ivi viri patali chimoza na chinyake. Kweni iyo wakawona pa ine kuti vyose vikâwa nkhanira pamoza. Wakati, "Iwe nadi ndiwe munthu wambura kupulikiskika."

Ine nkhati, "Ine nyengo zose ndiri kuchimamnya icho. Waliyose wakuchita."

⁷ Wakati, "Ise tiri kuchiwonapo yayi icho nakale." Ntheura iyo wakayamba kundiphalira ine za ichi.

⁸ Ine nkhati, "Enya," ine nkhati, "iwe ukumanya, ine nkhusachizga kuti Fumu yiweme, para Iyo wakutipanga ise, Iyo wakutipanga waka ise wakulekana waka pachoko. Ise ntha tikukozgana yumoza na munyake, ndipo ntheura nyengo zinyake ise ntha nanga tikuchita ngati yumoza na munyake. Kweni—kweni Iyo wakupanga ichi kwa Iyo... Nthowa Yake Yekha ya kupangira ichi. Ise tikunjira waka mu chimachini chikuru chakuwumbira, ndipo ise tikhalenje waka chete, Iyo watiwumbenge ise umo Iyo wakukhumbira kuti ise tiwirenge."

⁹ Ndipo ine—ine nkhumanya palije munyake wangakhumba kuti wawé chinyake kweni icho iwe uli. Chinthu chimoza pera icho ise tose tingamanya kukhumba... Pamanyuma pakuti ise taponoskeka na kuŵa wâ Chiuta, chinthu chimoza pera ise tikukhumba ndi kuyenda kufupi dazi lirilose. Icho ndicho ise tikukhumba, ku wenenawene ukuru ula. Umo ichi chiliri

chiweme! Kasi imwe mungayima kuti mughanaghane kasi ise nthena tikachita vichi usange ise tikaŵengegeye icho? Kasi—kasi... Usange chigomezgo chikuru chira ntha chikawamo mwa ise, kasi ise nthena tikachita vichi?

¹⁰ Ine nkhayowoyanga, mu umoza wa mipingo, nkhuromba ine... Chakudankha, malo ghamoza, pamanyuma ghanyake, na charu zingirizge ine nknapanga ndemanga nyengo yinyake, nkhughanaghana kuti panyake ine ningawerezgapo iyi mu mpingo weneuwu. Kweni nkharutanga kufuma mu nyumba uko ine nkhaŵa ngati chigonere wakunyekezgeka chomene, za wānthu aŵa muhanyauno kuchitanga ichi kuno dansi muphyia iwo wali nayo, iwo wakuchema gwenuyuka, panji chinyake. Ndipo ine nkhati, “Ine nkhumanya waka yayi, icho charu, wānthu wakukhumba kuti waphyore marundi ghawo na—na chifukwa cha kuchita icho ngati ntheura.”

¹¹ Ntheura, kukaŵa munthu, pafupifupi virimika twentesikisi, twenty-seven, vyakubabika, wakakumane nane kumanyuma, wakati, “Pachoko waka, Mr. Branham.”

Ine nkhati, “Enya, bwana?”

Iyo wakati, “Iwe ukumanya, iwe ukupulikiska waka yayi.”

Ine nkhati, “Ine nkugomezga ine nkuchita yayi.”

¹² Ntheura iyo wakati, “Iwe wona,” iyo wakati, “Ine nkhumanya kuiywona fundo yako.” Wakati, “Iwe ndiwe mwanarumi wa virimika fifite vyakubabika. Kweni usange iwe ukawēnge wa msinkhu wane, ichi mbwenu chati chiŵenge chakulekana.”

¹³ Ine nkhati, “Lindizga miniti pera.” Ine nkhati, “Ine nkapharazganga Ivangeli para ine nkhaŵa virimika teni mwanichi kuruska iwe. Ine ndichali kugomezga Ivangeli lenelira. Ine nkhasanga chinyake icho chikutora malo, ndipo muli chimwemwe chikuru mu kutumikiranga Fumu kuruska vinthu vyose ivyo devulu wakamanya kupanga kulikose.” Ichi ndi... Ichi chikupereka kukhorwa.

¹⁴ Imwe mukumanya, David wakayowoya, nyengo yimoza, “Umo nyiska yikuŵewefukirira mronga wa maji, uzima wane ukukhumba Imwe, O Chiuta.”

¹⁵ Ndipo usange imwe muli kuyiwonapo yimoza ya wana wachokowachoko, para iyo—iyo yapwetekela, panyake ntchewe zayikora iyi, ndipo zazwatura chipitika chikuru kufuma kulwandi kwake, panji chinyake. Iyi yikusulura ndopa. Ndipo, iyo, ntchewe yingamanya kuyirondezga iyi. Iyo ntha yiri ngati munthu. Ndipo iyi yingamanya kuyipenja nyiska yira kwali iyi yikusulura ndopa panji yayi. Ndipo ntheura nthowa yimoza pera... Usange nyiska yira yikusulura ndopa, nthowa yimoza pera iyo yingakhalira yamoyo ndi kuruta uko kuli maji. Ndipo usange iyo yingafika uko kuli maji, iyo yimwenge maji ghara.

Iyi yirekenge kusulura ndopa, ndipo—ndipo iyi yingamanya kuchimbira kuruta. Iyi njakuchenjera chomene.

¹⁶ Kweni sono imwe mungamanya kulingalira, kuwonanga yumoza wa wana wachokowachoko wakupwetekeda ndipo wakusulura ndopa, na umo mutu wake uliri muchanya, na mamanyiro ghose agho iyo wali nagho gha kumanya uko kuli maji, kugwiriska ntchito mphuno yake. Kuti, iyo wakwenera kuti wasange maji, panji waparanyike. Ndipo sono ndi umoyo waka na nyifwa, kwa iyo. Iyo, ghalighose waka—ghalighose—mamanyiro ghalighose iyo wali nagho, iyo wakuyezga, kukhumbanga. Iyo wakwenera kuti waghlasange agha.

¹⁷ Sono, umo ndimo ise tikwenera kuwira na nyota yakukhumba Chiuta. Mukuwona? “Umo nyiska yikuwewefukiranga mronga wa maji, uzima wane ukukhumba Imwe, O Chiuta.” Bisamani kutali pamoza Iyo kumalo kunyake, ndi kukhumbaba kwa mtima wane. Ndipo ine nkugomezga kuti uko ndi kukhumbaba kwa mose imwe muli muno usiku uwu.

¹⁸ Ndipo sono, usiku pamanyuma pa usiku, ndipo ine nkutemwa kuchiwona ichi. Nkhope izo ukuziwona pa malo ghamoza, iwe ukuziwona izi kunyake. Ine—ine nkuchitemwa icho. Imwe kuwoneskanga wenenawene winu, na kuwoneskanga icho ise tiriri kuno.

¹⁹ Ndipo, o, ine nadi ningatemwa kuti niwone chisisimus cha kachitiro-kakale mu Phoenix. O, mwe! Lizgu lira lakuti *Phoenix* liri kundichenuska ine kufuma pa nyengo yakudankha apo ine nkhaŵazgira ili, za ichi: Phoenix, Arizona. Wane, mnyamata muchoko, ine nkaghaganaghana, “Usange ine ningafika ku malo ghara! Usange ine ningafika kula, ku Phoenix!” Ndipo sono kuwonanga ichi, ndipo para ise tiri kuno ise tikusanga kuti uwu wabenerereka mu mdima ukuru wa kwananga, ngati malo ghanyake ghose, wâlendo kwizanga; na kumwa, kuloŵeranga, uzaghali, chirichose kuchitikanga.

²⁰ Kweni, ndipouli, mkatikati mwa chose chira, imwe mukusanga wakupatulika wanyake weneke awo Chiuta wakatora kufuma mu mapopa agha kuno, awo wakuwâra mu mphumphu ya wantru wakuchindikika wa Chiuta. Ndipo icho ndicho ine ndiliri kuno, usiku uwu, kuti ndijiwike ndamwene pamoza na imwe wabale na imwe wâlongosi, kuyezga kuti ndipereke Kuwara kwa Fumu Yesu ku wanyake, mwakuti panji iwo wângamanya kusangika, nawoso, mu nthimbanizgo yikuru iyi. Ndipo wanandi wa iwo wachali kuwaro kula. Ine ndine wakukhorwa na icho. Kuli wanandi ndithu kuti wafike, ndipo ise tikwenera kuti tichite chirichose ise tingachita kuti tiwâsange iwo kula, na kukhala umoyo uwo uwoneskerenge Khristu.

²¹ Sono, pambere ise tindawazge makani ghachoko gha Lemba... Ine nangufika mwakuchedwa chomene ntheura ine

nangulemba manotisi ghachoko, mu nyengo ya maminiti pafupifupi fayivi. Ndipo wa msonkho wa boma wānatumizgira makalata ghanyake, ine nanguenera kuti nichitepo kanthu mwaluŵiro, ndipo iyi yikwenera kuti yitumizgike na positi ofesi, ine nkughanaghana, panyake muhanyauno, kweni. Ndipo nttheura ine nkuyenera kuti nkhaſike ku positi ofesi. Ndipo para ine nkhati ndafika, Billy wakati, "Ntchiweme iwe ufulumire." Ndipo nttheura apa . . .

²² Ine nkhaŵa waka pafupi, ndipo pafupi, pafupi, na wānthu wāra. Mwe, o, mwe! Iwo wākuyowoya za urunji pa miryangó ya nyumba ya yakweruzgirako. Ine nkhumanya yayi uko iyi yiri. Enya. Ine ndiri kuyiwonapo yayi yantheura. Ndipo iwo wākakhumbanga kuti ine ndilipire msonkho pa cheki chirichose icho wākandipa ine virimika fifite kumanyuma, kuti ndilipire ngongole za ungano wa chisokole, na chindapusa pa iyi, wonani, firii handiredi na fifite-fayivi sauzandi dolazi.

²³ Ine nkhati, "Ndilaseni waka ine." Kasi ine ningachita uli icho? Ine nkhati, "Ine ndirije nanga ndi zakujumpha fifite-fayivi cents." Ine nkhati, "Kasi ine ningachita uli icho?" Ndipo iwo wāli kufyenyekezgera mphuno yane ku chingerengere pa virimika fayivi.

²⁴ Ntheura, za wānthu kuponyangamo. Ngati, ise tiwenge na ungano wa chisokole, ndipo—ndipo wānthu, iwo wākumanya waka kuti zina lane ndi William Branham, iwo wākulemba waka cheki cha vyakukhumbikwira. Wāpharazgi wākugwiriska ntchito izo. Ine nkhatrapo zithero yayi mu umoyo wane. Ndipo nttheura iwo wākutora . . . Ine nkhpokera a—malipiro kufuma mu mpingo wane, handiredi dolazi pa sabata.

²⁵ Ndipo zithero izi . . . Kweni waliyose, wonani, kuti iwo wākuponya umu . . . Ndipo mlenji wakurondezgako, a—a—a—mweneuyo wakaŵa mulara wa komiti ya vyandalama, iyo wakamanyanga kwiza na kuti, "M'bale Branham, iwe ukwenera kuti usayinire macheki agha." Ndipo, chifukwa, ine mbwenu nkhasayinanga waka. Iyo mbwenu wakawikangamo. Ndipo iwo wākafufuza vyose vira, ndipo pakaŵavye ndalamá yimoza yikagwiriskika ntchito pa vya ndamwene. Kweni para ine nkhati nasayina cheki chira, iwo wākati ichi chikawâa chane. Wānthu wākupereka ichi kwa ine, pamanyuma ine nkhpereka ichi ku mpingo. O, mwe!

²⁶ Ine nkhapulika uheni chomene, pa kudankha, pamanyuma ine nkhasanga kuti munthu waliyose mu Baibolo, ine nkugomezga, uyo wakaŵapo na udindo wauzimu kutumikira Chiuta, wakakhwaskika na ulamuliro wa maboma. Fufuzani ichi kumanyuma. Uwo mbunenesko. Moses, Daniel, Yohane Mubapatizi. Yesu Khristu wakafwa na woko la ulamuliro wa boma, chilango chakuchita kumukoma. Petros, Yakobe, Yohane,

Yohane muvumbuzi, wose, waliyose... Wose wakasuzgika na kuzikizgika.

²⁷ Chifukwa? Ndi hedikota ya Satana. Kasi imwe mukumanya icho? Kasi imwe mukumanya, Satana wakamutorera Yesu pachanya ndipo wakamurongora Iyo maufumu ghose, charu, mu kanyengo kachoko? Ndipo iyo wakati, "Agha ngane. Ine nkuchita na igho chirichose ine nkukhumba kuchita. Mukuwona? Ndipo Ine ndiperekenge agha kwa Iwe usange Iwe ugxadenge pasi na kundisopa ine." Ntheura imwe mukuwona kasi agha nganjani? Ise tikutinkha kughanaghana icho za taŵene, kweni ichi chiriko.

²⁸ Ntheura Iyo wakati, Yesu wakati, "Fumapo apa, Satana." Iyo wakamanya kuti Iyo wazamkuŵa muhaliri wa igho, mu Mileniyamu. Iyo wakamanya kuti igho ghazamkuŵa Ghake para... Para, usange vyaru ivi vikalamlilikanga na Chiuta, Mileniyamu mbwenu waŵengepo. Kweni yizamkwiza nyengo.

²⁹ Iwo wali na ma U.N. ma League of Nations, na chirichose, kuyezga kuti wapereke mtende. Kweni malinga Satana wali pachanya pa ichi, na ndale, kasi kuchitikenge vichi? Iwo mwakusimikizga wātimbanenge waka umo charu chikuchitira.

³⁰ Kweni yizamkwiza nyengo apo virwero vyose vizamkuwunjikika. Ndipo vitoliro vizamulira, ndipo mlenji uzamkuŵara Muyirayira, wakuŵara na wambee. Fumu yithu yizamutora chizumbe Chake. O! Kuzamkuŵa kwimba; kuzamkuŵa kuchemerezga. Ndipo kuzamkuŵa ndembera yimoza, wānthu wāmoza, fuko limoza, kuyowoyanga chiyowoyer chimoza, cha Kuchanya. Amen. Ine nkukhumba nyengo yira. Ndipo ine nkungangamikira kurazga ku lusimbo lira, kugomezganga kwa Chiuta, dazi linyake para ichi chamara, ine ningamanya kuyowoya... Ine nkhumanya kumupulika Iyo wakuyowoya kwa ine, "Kwerera kuchanya kuno."

³¹ Ine ndiri kuno mu Phoenix usiku uwu mu Zina la Fumu. Ine nikhumbenge—ntha ningayezga kurongosora icho chikachitika. Wānthu wānandi mwaŵeneimwe mukutora matepi, muwoneseske kuti mutore yimoza yira, *Kasi Nyengo Ndi Vichi, Bwana?* Apo pakaŵa pambere ine nkhaŵa nindafumeko ku nyumba. Mboniwoni yikandituma ine kuno; ntchakuti, ine nkhumanya yayi kasi... Ine nkhumanya yayi... Ine nkuguriska matepi yayi, ndipo ine nkukakamizga yayi vinthu ivyo. Ise tikutora igho, ndipo ise tiri na ntchito ya tepi charu zingirizge. Kutali uko mu mapopa na kulikose, iwo wali na chinyake chichoko icho iwo wakuŵika mu makutu, iwo wali nacho, ndipo wakumanya kujambula uwu mu tepi, na kuyimirira apo na kutanthauzira uwu nkhanira mu chiyowoyer. Ndipo uwu ukuruta charu zingirizge.

³² Ndipo, kweni yimoza iyo ine nkhaŵa nayo, yira *Kasi Nyengo Ndi Vichi, Bwana?* Panji, *Kasi Nyengo Ndi Iyi, Bwana?*

Ŵanji... Ine... Pa Chisulo usiku, masabata ghatatu ghajumpha, pa tchalitchi. Pamanyuma pa umoyo wane wose kuwonanga mboniwoni, ine ntha nkhaŵapo na yinyake ngati iyi nakale, mu umoyo wane. Ndipo ine nkhumanya yayi kasi iyi ndi vichi. Ine ndiri waka kuno, kweni Iyo wakandituma ine kuno. Ine nkhumanya yayi icho iyi yikung'anamura. Ine mbwenu... Ine ndiri waka kuno.

³³ Ndipo ine nkuyenera kuŵa muneneska na wakusimikizga, ndipo ndiyo nthowa yekha pera ise tingamanya kufika kulikose na Chiuta, ndi kuŵa muneneska. Chifukwa, ŵanthu ŵamanyenge. Chiuta wakumanya, pa chiyambi, imwe ndimwe yayi, kwali imwe ndimwe panji yayi. Ndipo ŵanthu ŵamanyenge. Chifukwa, nyengo yimoza, kukaŵa munthu wakayezganga kuchima. Ndipo Chiuta wakamuphalira... Panji, muprofeti mweneko wakamuphalira iyo, wakati, "Tiye tikumbukire. Wakawako ŵaprofeti pambere ise tindawéko. Muprofeti wakumanyikwa para uchimi wake wakwaniriskika." Ntheura ntchiweme ise timanyisiske kuti ise tikumanya kuti Chiuta wakayowoya ntheura, pambere ise tindayowoye chirichose za ichi. Muwe ŵaneneska na ŵakusimikizga.

³⁴ Sono tiyeni tisindamiske mitu yithu pa kanyengo waka kuti tirombe. Sono tiyeni ise tisezgere kumphepete chirichose sono, pa maminiti ghachoko ghakwiza. Ine nkuzizwa... Mu gulu lichoko ili lakutemweka la ŵanthu muno usiku uwu, ine nkhumanya kuti ŵaliko ŵakupatulika ŵakhala uku awo Yesu wazamkwizira dazi linyake, awo ŵazamuwuka kufuma ku dongo.

³⁵ Ndipo panyake ŵangawamo ŵanyake muno awo ntha wakumanya makora kuti iwo ŵazamuŵamo mula, panji yayi. Imwe panyake mungaŵa kuti mukusoweka vinthu vinyake. Usange chiripo chakusowêka mu umoyo winu usiku uwu, rekami ichi chimanyikwe kwa Chiuta, apo imwe mukukwezga waka woko linu, kuyowoyanga waka, "Chiuta, Imwe mukumanya icho ine nkung'anamura sono. Ndipo munditumbike ine. Ine—ine ndine murwari. Ine nkukhumba machirisko. Ine ndine—ine ndine wamtafu. Ine nkukhumba kuti ndiwerere ku wenenawene. Ine—ine nkukhumba kuti ndiwereko. Ine ndiri—ine ndananga. Ine nkhuwerako. Ine nkukhumba kuti Imwe mundivwire ine, usiku uwu, kuti ndiwereko." Chiuta wamutumbikani imwe.

³⁶ Ŵadada Ŵakuchanya, sono apo ise tikusenderera ku chizumbe Chinu, kwizira mu nthowa ya Ndopa, pakuti, ndipo Aaron wakaruta panthazi pa a—mpando wa lusungu, iyo wakatora, chakudankha, ndopa mu woko lake, ndipo iyo wakaruta, ndipo ise, mwa chipulikano usiku uwu, tapokera Ndopa za Fumu Yesu, ndipo tikkwenda kurazga ku chizumbe cha Chiuta, mwachikanga, kumanyanga kuti ise tiri nawo

ufulu wakwiza, ntha mu urunji withu, kweni mu Wake. Ndopa zikuyimira kutozgeka kwithu. Ndipo ine nkhuromba, Wadada Wakuchanya, kuti Imwe muperekenge chakupempha chithu.

³⁷ Chakudankha, ise tikumurombani Imwe kuti mutilengere lusungu, mutigowokere ise ku kwananga kwithu kose, apo ise tikuvumbura kwananga kwithu, na kunangiska kwithu kuchokokuchoko, na zakwananga zithu zakuseri, na zakwananga zithu zambura kumanyikwa. Ndipo ise tikuvumburaso ngati wapharazgi, pakuwa wasofi, zakwananga za wantru. Pamoza, Fumu, ise tayimilira. Ise tikuwatemwa wantru. Ise tikukhwaskika ngati Moses para iyo wakajiponya iyomwene pakatiki, kuti wathaske wantru, ku ukali wa Chiuta. Ndi kuwoneskera uli uko kukaŵako, kwa urunji wa Khristu, para Khristu wakati wajiponya Iyoyekha pakatiki, kuti waponoske wantru!

³⁸ Ndipo, Wadada, ise ngati wateweti Wake, na Mzimu Wake mwa ise, Mukhristu waliyose muno usiku uwu, wajiwika iyomwene panthazi pa wakwananga: “Chiuta, muwalengere lusungu iwo.” Ise tikulirira warwari na wakusowerwa, pakuti mawoko ghakupatulika ghara, wanyake wa iwo mbacheekuru, ndipo wanyake mbanichi, ndipo wanyake wa msinkhu wakapakatiki, wakwezga mawoko ghawo. Imwe mukumanya vyose nya icho, Fumu. Ise tikuromba kuti Imwe muzgorenge kwakulingana na mausambazi Ghinu mu uchindami.

³⁹ Nkuromba paŵe wanandi usiku uwu, Fumu, warute kufuma muno, awo wafika, awo mbarwari, nkhuromba iwo warute, enya, wamusuma, wakuchizgika. Chinyake waka chichitike, iwo wangarongosora yayi ichi, kweni iwo wamanye kuti iwo wali makora.

⁴⁰ Mphanyi iwo weneawo mbamtafu warute wakurunjiskika, Fumu, kumanyanga kuti iwo wawerako ndipo wamutora Khristu uko iwo wakamuleka Iyo. Nkuromba iwo warute, wapange chiwera. Perekani, Fumu, mwakuti iwo weneawo wandafile wâsange wanangwa ukuru ula wa kuwa wakumasuka, wafumamo mu chitupa, ntha mbakukakikaso na vinthu nya charu na vichitochito nya umoyo uwu, kweni wazgoka wanangwa mwa Khristu. Perekani ichi, Wadada.

⁴¹ Tumbikani vyose ise tikusoweka sono, ndipo tumbikani Mazgu Ghinu na muteweti Winu, ndipo ise timurumbeninge Imwe. Mu Zina la Yesu ise tikuromba ichi. Amen.

⁴² Sono, usange ise tingawazga makani gha Malemba, panji Malemba kuwa makani, mphanyiko, 1 Wakorinte chipatulo 14, vesi 8, likuwazgika ngati nttheura, mu 1 Wakorinte 14:8.

Pakuti usange mbata yikupereka kaliriro kambura kuszmikizgika, ndinjani wajinozgekereskenge iyomwene kuruta ku nkhondo?

⁴³ Uwu ungaŵa mutu wakukwanira wakuti ise tingamanya kupharazganga masabata ghawiri kufuma sono pa ichi, ndipo kweni ntha kukhwaska kulwandi kwa ichi. Chiripo chinyake za Mazgu agho ngakukhuŵirizgika. Iwe rutaruta ukuŵa pa mutu umoza ula. Iwe ungamanya kumangilira Baibolo lose na ichi. Uwo mbunenesko.

⁴⁴ Dazi limoza munthu wakanifumba ine, wakati, “Kasi iwe ungatora uli mutu weneula?”

Ine nkhati, “O, mwe! Iwe ukutora makani gha chirichose kufuma ku ichi.”

⁴⁵ Ine nkhatora hamba la kugawikana patatu likawā pasi, ndipo nkhalinyamuska muchanya ili. Mwanarumi wali muno usiku uwu, kufuma ku Tucson. Ndipo ise tikaŵa kula mu Pasadena, California. Ndipo ine nkhati, “Ine ningamanya kutora hamba ili lakugawikana patatu na kupharazga virimika twenty-fayivi pa ili: umo ili liriri umoyo, uwo uli mu ili; umo, mahamba ghatatu, pakuŵa ghatatu mu Limoza. Ndipo, o, o, pali waka vinthu vinandi chomene ivyo ise tingamanya kuyowoya za ili.”

⁴⁶ Ndipo kuli uli na Lemba? Ndi Mazgu gha Chiuta. Ndi Ghamuyirayira. Igho—igho ghakawa...Igho ghalije umaliro. Igho ghakurutiriranga waka, kurutirira, kurutirira. Igho ndi kwakuthawirako kwa ise.

⁴⁷ Ndipo sono usiku uwu ine nkukhumbu kuti ndiyowoye pa ichi: *Mbata Yikupereka Kaliriro Kambura Kurongosoka*.

⁴⁸ Mu kughanaghana za ichi, nyengo waka zichoko zajumphra, para ine naghanaghananga pa...nkhami yira ya msonkho, Ine nkaghaganaghana, “Palije chirichose muhanyauno icho ntchakusimikizgika. Chirichose chiri na ntchambura kusimikizgika ku ichi.” Ndipo chirichose icho ntchambura kusimikizgika chingagomezgeka yayi. Chirichose icho ntchambura kusimikizgika chingagomezgeka yayi. Imwe khalani kutali na ichi usange ichi ntchambura kusimikizgika.

⁴⁹ Usange imwe muli na bizinesi; ndipo, cheneicho, ise tiri na wantru wabinesi muno, panyake wanandi wa iwo. Usange imwe mukuchita bizinesi iyo njakusimikizgika yayi, imwe ntha muŵikengemo zinandi chomene mu iyi, chifukwa a—bonasi njambura kusimikizgika, ndipo imwe munganjizga zinandi viwi yayi mu iyi. Panji, usange iwe ndiwe muweme, wabizinesi wakuchenjera, iwe ulindizgenge na kufufuza, usange iwe uli na ndalamu zinyake zakuti unjizgemo, mpaka iwe usange yinyake iyo njakusimikizgika, yinyake iyo njakudalirika, yinyake iyo iwe ungamanya kuyigomezga. Chifukwa, iwe ukukhumbu yayi kutaya ndalamu zichoko zira izo iwe uli kusunga, chifukwa na izo iwe ukwenera kuti ukhalirepo umoyo wako, kufuma pa phindu la—kufuma pa mabonasi agho ghalembeka pa ndalamu izi. Chifukwa, iwe ukwenera kuti—kuti usangepo chinyake chakuti ukhalirepo umoyo.

⁵⁰ Ndipo ndalama zichoko izi izo iwe ukasunga, kuŵika izi mu chikwama chako yayi na kuchileka ichi apo, chifukwa wankhungu wibenge ichi. Mukuwona? Ntha, kuchita icho yayi. Usange iwe uli nazo izi, sunga izi mu chinthu chinyake. Ndipo pamanyuma iwe ukukhumba kuŵa wakuwoneseka za kusimikizgika kwa kukasunga kwako. Usange iwe ukuchita yayi, chifukwa, reka kusunga izi, munthowa yiriyose.

⁵¹ Mwantheura, bizinesi yiri nadi pa sanja yakugwedera usiku uwu. Bizinesi yiriyose, mu kuchita, mu charu, yiri mu kaŵiro kakugwedera, chifukwa charu chiru mu kaŵiro kakugwedera. Iwe ungažiomerezga yayi wamwene...

⁵² “Sono, ine nisungenge ndalama *zinandi-mwakuti*, kuti nijizengere namwene yiweme, nyumba yichoko kumalo kunyake.” Kuti, icho ntchakudalirika yayi, ine nikuphalirenge iwe ichi chiriko, chifukwa boma lingamanya kupoka iyi, mu dazi limoza.

⁵³ O, ndi vinthu ivyo vyapanga demokirase yithu kuti yinangike chomene, mpaka iyi njakugwedera chomene! Ise kale tikaŵikanga chigomezgo chikuru mu demokirase yithu. Ndipo, cheneicho, ine nkughaganaghana kuti ndi mawonekero ghaweme chomene gha boma. Kweni, ndipouli, demokirase yithu njakugwedera. Chifukwa, ise, charu ichi, wanthu wîthu, ise tiri na malamuro, ndipo malamuro agha ndi–ndi chigoti chithu. Kweni, ndipouli, mu icho, malamuro ghithu ngakugwedera, chifukwa igho ghali kuphwanyika kale nyengo zinandi. Chipondi Mr. Roosevelt wakapanga chiwawa kufumira mu agha. Ntheura, wonani, imwe mukuwona agha ghangamanya kuphwanyika. Ntha ndi chisimikizgo chikuru kuti imwe mungamanya kuchiŵika mu agha.

⁵⁴ Ndale, o, mwe, umo ziliri zakugwedera! Wanthu wakususkana waka, na kususkana, na kususkana, za ndale. Ndipo wâzengenzgani wâkanganenge, za ichi, ndipo wanthu awo kale wâkâwa paubwezi uweme. Purezidenti munyake waphukenge, panji munyake kuti waŵe mweruzgi, panji chinthu chinyake, ndipo munthu munyake ku chigâwa chinyake cha mphaka ya ndale, ndipo iwo wâkanganenge yumoza na munyake mpaka iwo wâtinkhanenge za ichi, ndale. Ndipo ine ntha... nkugomezga ine ntha nkupweteke malingaliro gha munyake waliyose, kweni ine nkughaganaghana kuti chinthu chose ntchakuvunda. Mukuwona? Enya, bwana. Ntheura ntchifukwa uli imwe mukanganenge na kutinkhana pa chinyake icho ntchiweme yayi munthowa yiriyose? Uwo mbunenesko. Ntchiheni waka chomene.

⁵⁵ Munyake wakayowoya kwa ine dazi linyake, iyo wakati, “Kasi—kasi iwe uzamuvota mu chisora ichi?”

Ine nkhati, “Ine ndiri kuvota kale.”

Wakati, “O, mu chisora ichi?”

⁵⁶ Ine nkhati, "Ine nkhatotera Yesu." Ine nkhati, "Ine ndikuphalirenge iwe. Pakaŵa wânthu wâwiri wâkachita voti pa ine." Ine nkhati, "Chiuta wakavotera ine, ndipo devulu wakavotera ine yayi. Ndipo ine nkhatotera Chiuta, ntheura ine nkuchita kuvota kwane makora." Chikutorera uko imwe mukuponya voti yinu, umo imwe mufumirengemo.

⁵⁷ Ntheura, wonani, mwasonosono waka, kuti ndimuwoneneskeni kamalo kachoko waka, ndipo pamanyuma ise tichilekengé ichi. Mu chisora chaumaliro ichi cha presidenti, para ichi chikasimikizgika mwakufikapo mu Chicago na malo ghakupambanapambana, kuti machini agho iwo wâkatora kuti wâkagwiriske ntchito pa kuvota, kuti, igho ghakakhazikiskika na chipani cha Democratic, kuti nyengo yiriyose para imwe mukavotera Mr. Nixon, imwe mukavotera Mr. Kennedy, nyengo yeneyira. Ntheura, imwe mulije mwaŵi. Ndipo chikasimikizgika ichi!

⁵⁸ Ndipo imwe mukayipulika ya *Monitor* usiku unyake, para iwo wâkanozga a—kufukufuku charu chose, kufuma ku Mississippi, kuvuma. Mr. Nixon wakawina voti iyi, wânayi kwa yumoza. Kasi munthu wangawina uli? Usange wakâwenge Mr. Kennedy, ichi chikati chiwenge munthowa yeneyira. Ine ndirije chipani chirichose.

⁵⁹ Chipani chane chiri Kuchanya, ndipo ine ndiri nkhanira na iwo muno usiku uwu. Ise takhala malo gha Mchanyachanya, kuyowoyanga za Fumu yithu.

⁶⁰ Kweni, imwe wonani, ine nkhuiezga kumuphalirani imwe, vinthu ivi vya charu vikugwedegeka. Kulije...mungaŵika yayi chisimikizgo mu ivi. ivi ndi vyambura kusimikizgika. Ndipo chirichose icho ntchambura kusimikizgika, ine ntchiweme nikhale waka kutali na ichi. Ine nkutemwa yayi chinthu chiheni. Ine nkutemwa yayi kutimbanizgikira ku chigâwa chiheni. Ine nkutemwa viweme, kuwa ku chigâwa chiweme.

⁶¹ Sono, umoyo wa panyumba wazgoka wambura kusimikizgika. Imwe mukumanya, ine nkawona kachiduswa dazi linyake, mu yimoza ya mamagazini kumalo kunyake, kuti chiŵerengero cha kusuzurana mu America ntchakukwera chomene kuruska charu chinyake chirichose mu charu. Ndipo ise tikwenera kuwa mtundu usopisopi. Enya, ukwenera kuwa ntheura, usopisopi, viri makora, kweni ndi mtundu wakwenerera yayi. Mukuwona? Chisopo ndi chakuphimba waka. Ntchinonono kuphara kasi chakuphimba chithu tikupanga kufuma ku vichi. Adam wakayezga kuti wapange vinyake kufuma ku mahamba gha chikuyu, ndipo ichi chikagwira ntchito yayi. Ichi chikagwedegeka mwakofya para iyo wakaruta kuwaro kuti wakakumane na Chiuta. Ntheura chisopo ntha chikukwanira chose ichi. Kweni kasi imwe mungaghanaghanira kuti chiŵerengero chithu cha

kusuzurana, ntchakukwera kuruska—kuruska vyaru vinyake yyose, chiŵerengero chithu chakusuzurana? Ise tikusanga uzaghali uli panthazi mu nyumba zithu.

⁶² Chikaŵa chakuzukumiska kusanga, kuti, wānandi chomene pa kafukufuku wa charu, ndipo mu a...Ine nkhwogomezga mukaŵa mu Ohio, kuti kafukufuku wakachitika wa Chikhristu, ndipo chikaŵa chakuchuruska za unandi wa awo nthā wākarutanga nanga nkhu tchakitchi. Ndipo ntheura, pafupifupi eyite pa handiredi pa iwo weneawo wākarutanga ku tchalitchi, wākamanya yayi chifukwa icho iwo wākarutiranga. Iwo wākamanya yayi chifukwa icho iwo wākurutira. Iwo wākuruta waka ku tchalitchi.

“Ntchifukwa uli iwe ukuruta?”

⁶³ “Enya, amama wākatitora ise para ise tikaŵa wānichi, ndipo ise tikurutirira waka kurutanga.” Ndipo—ndipo pamanyuma, sono, gulu linyake lira, likati iwo wākaruta waka kuti, o, kuti wākakumane na wāzengenzgani wāwo na kudumbirana pachoko. Mukuwona?

⁶⁴ Chifukwa, ichi ntchakuchuruska! Ndicho chifukwa umoyo wa panyumba waruta, wonani, umoyo uliwose pa nyumba uwo ngwakukhazikika yayi.

⁶⁵ Mwanakazi waliyose uyo watoranenge na mwanarumi, ndipo iyo nthā wakumumanya makora mwanarumi yura, ntchiweme iyo wamuleke iyo. Ndipo mwanarumi waliyose uyo watorenge mwanakazi, ndipo undamumanye makora, ntchiweme iwe umuleke iyo. Ntchiweme iwe urombe, pa ichi, mpaka Chiuta wakupe zgoro iwe. Ndipo ntheura icho Chiuta wagumatizga pamoza pāwavye munthu wapatulanye. Kwени ise—isé, chakudankha, ise tikwenera kuti tirombe, pa icho. Enya.

⁶⁶ Sono, ise tikusanga kuti ise tiri kuyezga kuti tiphenduske charu mwa ndondomeko ya masambiro, ndipo ise nadi tiri kupanga nthimbanizgo kufuma ku ichi, nadi yakukwanira. Imwe mungaphenduskira yayi charu kwa Khristu kwizira mu masambiro. Masambiro ghakumuguzira iyo kutali na Chiuta, kuruska umo ichi chikumuguzira iyo kuruta kwa Chiuta, chifukwa iyo wakuyezga kughanaghana kuti iyo ngwazeru chomene ndipo wakumanya vinandi kuruska munyake. Umo ghaliri ghaweme masambiro, Khristu nthā wakatuma mpingo Wake kuti ukapereke masambiro ku charu. Iyo nthā wakawāsambizga iwo, kuti wākapange maseminare. Iyo nthā wakawāsa-... O, ivyo nviweme. Iyo nthā wakawāphalira iwo kuti wārute ndipo wākazenga vipatala. Icho chirī makora.

⁶⁷ Kweni ntchito ya Mpingo ndi kupharazga Ivangeli. “Imwe rutani mu charu chose, mukapharazge Ivangeli ku chilengiwa chirichose.” Mukuwona? Kweni chirichose chakususkana na icho, chikugwedezgeka, chifukwa chirī kuwaro kwa ndondomeko ya Chiuta.

⁶⁸ Umoyo wa charu ngwambura kusimikizgika. Enya, charu ntchambura kusimikizgika. Ise tikukhala waka mu malo uko charu chose chiri na kusindama kwamanjenje, chikuwoneka ngati, chikugwedezegeka chose. Charu chirichose, waliyose, yumoza wali na wofi na yumoza munyake. Iwo âwakuyowoya mtende.

⁶⁹ Iwo âwakâwa, nyengo yimoza, iwo âwakati, “O, para ise tikurwa Nkhondo Yakudankha ya Charu chose, kuti âwanyamata âwithu wose âwakwenera kuti âwarute kula, ndipo icho chimazengene nkhondo.” Chifukwa, iwo nthâ nanga âwakafumiskamo nanga ndi josì la zida za nkhondo mu mphepo mpaka iwo âwakâwa pa yumoza na munyake.

⁷⁰ Ntheura iwo âwakâwa na Mugwirizano wa Vyaru, ndipo ula ukati uperekenge mtende ku charu, ndipo uwu ukatondeka. Sono iwo âwali na U.N., ndipo ichi ndi chinthu waka chenechira. Ichi chiri kutondeka. Kulije kalikose ku ichi.

⁷¹ Chirichose ntchakugwedezegeka; umoyo wa charu, umoyo wa ndale, machini ghakuvotera. O, mwe! Iwo âwali waka... Chinthu chose chagwedezegeka, chirichose.

⁷² Sono ine nkhukhumba kuti nichitorere ichi kufupiko pachoko ku nyumba. Mukuwona? Umoyo wa mpingo wagwedezegeka ndipo ngwambura kusimikizgika. Sono, icho ndicho Paulos wakayowoyanga. Mukuwona? Kula ndiko iyo wakang'anamura, “Usange mbata yikupereka kaliriro kambura kusimikizgika.” Umoyo wa mpingo wagwedezegeka. Wanthu nthâ âwakumanya chakuti âwachite. Iwo âwakuruta, âwakuyingayinga kufuma mpingo kuruta ku mpingo, kuyezganga kuti âwasange uwo uli na chinthu chakwenerera; kufuma uku kuruta uko, kuyezganga kuti wasange icho ntchakwenerera, uko kuli chisambizgo chakwenerera. Ndipo yumoza wizenge, ndipo iwo âwangamanya kurongosora ichi, pafupifupi kufika ku fundo yeneko ya kachitiro ka chigomezgo, kuti ndi unenesko. Ndipo ntheura, chinthu chakudankha imwe mukumanya, iwo âwakusanga chivundi chikuru chomene mu icho, mpaka iwo âwakuyeza mpingo unyake, kuti âwawone icho ndi chigomezgo chawo, chisambizgo. O, chose ichi, ise tikusanga kuti ise tajitimbanizga tâwene pamanyuma, na vinthu ivi, kufika ku mahandiredi gha madongosolo ghakupambanapambana gha mpingo. Sono, ndirije chakususka ku icho. Umo ndimo iwo âwangachitira waka vinthu vinyake, ntheura, ivyo iwo âwakuti chitani, ndipo kula kukwenera kuti âwanyake âwafike kufuma mu uwu, kumalo kunyake.

⁷³ Kweni, imwe wonani, imwe mungaâwika yayi chisimikizgo chinu mu kuyowoyanga, “Ine ndiri mu bungwe la mipinga ya Methodist, ndipo ine—ine ndiri makora chifukwa ine ndiri mu uwu.” “Ine—ine—ine ndiri mu bungwe la Baptist, ndipo ine ndiri makora.” Imwe mungachita yayi icho.

⁷⁴ Imwe mungachita yayi ichi nanga ndi para imwe mukuti “muli mu bungwe la mipingo ya Pentekosite.” Imwe mungachita yayi icho. Imwe mungachitanga yayi icho, chifukwa ichi ndicho yayi. Ise tikusanga kuti para gulu lithu lakudankha la Chipentekosite, Mphara ya Chisanisani, yikati yakhazikiskika mu dongosolo, ntha pakapita nyengo yitali chomene iwo wakayamba kupanduka kufuma *kula*, na kupanduka kufuma *uku*, ndipo zinkhani, na visambizgo. Ndipo sono lawiskani waka pa ichi, kulikose. Mukuwona? Ichi chikuwoneska kuti ichi ntchambura kusimikizgika. Iwo weneawo wakugomezga waka mu bungwe pera, ichi ndi—ichi ntchambura kusimikizgika.

⁷⁵ Sono, imwe mungamanya kuyowoya, “M’bale Branham, iwe ukutitorera ise pa munthavi ukuru kuwaro uku. Iwe ukujambura chithuzithuzi chifipa chakofya.” Ndipo ine nakhumbanga kuti ndichite icho. Ine nangukhumba kuti ndichite ichi.

⁷⁶ Ine nanguchita ichi pa chakulinga, mwakuti ine panyake niyowoye ichi. Kasi chiriko chinyake chakusimikizgika? Enya. Pali chinthu chimoza icho ntchakusimikizgika. O, ine ndine wakukondwa chomene za icho, kuti chiriko chinthu chimoza icho iwe ungamanya kuŵikapo chisimikizgo chako, ndipo woneseska kuti ichi ndi unenesko. O, para chinyake chirichose chamara, *Ichi chizamuyimilira*. Usange imwe muwazgenga Mateyu Mutuŵa 24:35, Iyo wakati, “Kuchanya na charu chapasi vimarenge, kweni Mazgu Ghane ghazamkutondeka yayi.” Chiuta wali na lufura laku simikizgika.

⁷⁷ Munthu mulara, wakayowoya nyengo yimoza, mulara mufipa kusika Kumwera. Iyo wakayegha Baibolo, ndipo iyo wakamanyanga yayi kuŵazga. Ndipo iwo wakati, “Ntchifukwa uli iwe ukuyegha ili, Sam?”

⁷⁸ Iyo wakati, “Ili ndi—ili ndi Baibolo Lituŵa.” Wakati, “Kuli kulembeka pa Ili.” Ndipo wakati, “Ine nkugomezga Ili, kufuma ku chikutiro kufika ku chikutiro, ndipo nkugomezga chikutiro nachoso,” iyo wakati, “chifukwa ichi chiri na ‘Baibolo Lituŵa’ kulembeka pa ichi.”

⁷⁹ Ndipo munthu wakayowoyanga kwa iyo, wakati, “Iwe ntha ukugomezga vyose viri mu Ili?”

Wakati, “Enya, bwana. Ine nkugomezga.”

⁸⁰ Iyo wakati, “Sono, enya, iwe ukung’anamura kuti iwe ungachita chirichose icho Baibolo lingayowoya kuti chita?”

Iyo wakati, “Enya, bwana.”

⁸¹ Wakati, “Uli usange Baibolo lira likayowoya kuti Sam duka porota libwe *lira kula?* Kasi iwe uchitenge vichi?”

Iyo wakati, “Ine mbwenu nidukenge.”

⁸² Iyo wakati, “Enya, sono, kasi iwe uporotenge uli mu chiliŵa cha libwe kwambura kuŵa khululu mwenemula?”

⁸³ Iyo wakati, “Usange Baibolo likaphalira Sam kuti waduke, paŵenge khululu kula para Sam wakufika kula.” Ntheura, icho, icho pfafupifupi ndimo chiliri. Paŵenge khululu kula.

⁸⁴ Chinthu chimoza pera imwe mukwenera kuchita ndi kuŵika mayimiro ghinu pa Mazgu gha Chiuta, ndipo Chiuta wapangenge nthowa ya vinyake vyose nya ichi. O, Lufura likuru lira!

⁸⁵ Ine nkugomezga Iyo wakayowoya, kula mwa Luka, ine nkugomezga mukaŵa umu, uko wakakhiranga kufuma pa phiri, Iyo wakayowoya ku ūwasambiri, “Kasi ŵanthu ŵakuti Ine Mwana wa munthu ndine njani?”

Ndipo yumoza wakati, “‘Yeremiya,’ na ‘ŵaprofeti,’ na ŵanyake ntheura.”

Ndipo Iyo wakati, “Kweni kasi imwe mukuti Ine ndine njani?”

⁸⁶ Apo ndipo Petros wakayowoya mazgu ghpachanya, “Imwe ndimwe Khristu, Mwana wa Chiuta wamoyo.”

⁸⁷ Iyo wakati, “Wakutumbikika ndiwe, Simon, mwana wa Jonas, pakuti thupi na ndopa ntha vyavumbulira ichi kwa iwe. Kweni Wadada Ŵane awo ŵali Kuchanya ŵavumbura ichi kwa iwe. Ndipo pa jarawe ili Ine ndizengengepo Mpingo Wane, ndipo vipata nya gehena viwutondenge yayi Uwu.”

⁸⁸ Kasi ntchichi ichi pamanyuma? Pa unenesko wakuvumbukwa wa Mazgu gha Chiuta. Pakuti, “Mu mtendeko mukaŵa Mazgu, ndipo Mazgu ghakazgoka thupi ndipo wakakhala pamoza nase.” Ndipo ichi chikavumbukwa kwa Petros kuti ghara ghakaw Mazgu ghakukhozgeka gha Chiuta. Amen.

⁸⁹ Ndicho chifukwa Iyo wakayowoya kuti, “Ndinjani wangandisuska Ine za kwananga? Ndinjani wangandichombora Ine? Chirichose icho Mazgu ghali kulemba za Ine, Ine nachitta ichi.” Chiuta wakakhozgera ichi, kuti Iyo wakawa Mazgu. O, ndicho ichi. Chiuta wawoneskera, Mazgu ghakuyowoya ntheura, ndipo pamanyuma Chiuta wakupanga ichi chenekocheneko, wakukwaniriska ichi, wakuchiwoneska ichi.

⁹⁰ Virimika vyajumpha, para iwo ŵakayowoya ku mpingo, “Kulije chinthu ngati ubapatizo wa Mzimu Mutuwá, uko ndi kujijirika waka uko ŵanthu ŵakujipangiska iwoŵene,” kweni iwo ŵeneawo ŵakapokera Uwu, ŵakamanya kuti ula ukawá unenesko. Iwo ŵakamanya Chiuta wakaŵako nadi. Ndipo ichi chiri kusimikizgika, mpaka, muhanyauno, chakuchitika cha Chipentekosite cha Chiuta charu chose, chatorerwa ŵanandi mwa Khristu kuruska icho yinyake yose yachita.

⁹¹ *Sunday Visitor yithu*, ntha kale chomene, nyuzi ya Katolika, yikati, ine nkugomezga chikawá chirimika kumanyuma ku

chajumpha, panji chirimika chamara, chimoza, kuti, "Mpingo wa Katolika ukalembe waka waphenduka hafu miliyoni. Uko, wa Pentekosite wakalembe wanu miliyoni, fayivi handiredi sauzandi." Amen.

⁹² Kasi ntchichi ichi? Ndi chinthu chakukura, Mazgu gha Chiuta, kuthandazgikira kuwaro. Umo ise tikwenera kuwa wakuwonga! Uwu wakura chomene, mpaka, nanga ndi sono wa Episcopo, wa Prezibetere, wa Lutheran, na wose, wakwiza kuzakatorako vinyake nya Ichi. Imwe wonani mu ungano wa Wantru Wabizinesi, imwe mukuwapulika iwo wakuyowoya za wakupambanapambana: wa Episcopo, Lutheran, Prezibetere. Chifukwa, ndi kaŵirikawiri yayi imwe mukuwupulika wa Chipentekosite kuchitanga chinyake mwakusazgirako. Uwo mbunenesko. Vyose ndi yinyake. Chifukwa chavichi? Iwo wali kuwona kufoka kwawo kwa vigomezgo vyawo, ndipo iwo wakawerera ku Mazgu. Kula imwe mukusanga lufura, chinyake icho chingasunthika yayi.

⁹³ Tikuwanga mwenemula, Mzimu Mutuwā kukhalanga Umoyo Wake mu wantru, kuijwoneskanga Iyomwene ku charu. Ndipo ichi chikupangiska wantru kuwa na nyota ya Iyo: wambura kusunkhunyiskika, wambura kususkika, Mazgu gha Chiuta kuwonekera na kuijwoneskanga Iyomwene, Mazgu Ighoghene kujikhala umoyo kwizira mu umoyo wa wantru. Chinthu chiweme uli! Kulije chinthu chambura kusimikizgika za icho. Imwe mungamanya kuwona uko Chiuta wakapanga phangano, ndipo apa ichi chikuwonekera. Mahandiredi gha virimika kumanyuma waprofeti wakayowoya za ichi, ndipo apa ise tikuwona ichi chikukwaniriskika.

⁹⁴ Kujumpha mu vyakususka vyose, kujumpha mu vyakulekana vyose, kujumpha mu vigomezgo vyose, umo iwo wali kuyezgera kuponerezgera pasi Mazgu ghara gha Chiuta! Umo iwo wakayezgera kuwikapo masambiro. Iwo wakayezga kuwikapo, kupanga bungwe. Iwo wali kujitimbanizga iwo wene. Ndipo kufuma mu vyose vira, Mazgu gha Chiuta ghachali kuyimilira mwakuwara waka umo igho ghakachitira. Kasi ichi ntchichi? Ndi chinthu cheneicho ntchakusimikizgika. Chiuta wakati, "Vyose kuchanya na charu chapasi vimarenge, kweni Mazgu Ghane ghazamkutondeka yayi." Ntheura, icho ndi chinyake icho ntchakusimikizgika. Usange imwe mukukhumba kuti mujikhozge mwa wene, njizgani Mazgu agho mu mtima winu.

⁹⁵ David wakati iyo wakabisa Ichi mu mtima wake, mwakuti iyo wareke kwanangaso. Iyo wakalembe marango Ghake pa mzati wa bedi, ndipo wakagharamangirira igho ku mawoko ghake na kulikose, wakawika Mazgu Ghake nyengo zose panthazi pake. Ako ndiko kachitiro. Sungani malingaliro ghinu rutaruta . . .

⁹⁶ Chiuta wakaphalira Joshua, “Ntha ungang’anamukiranga kumaryero panji kumazere, kwa Ichi. Ntheura iwe upangenge nthowa zako kutukuka. Ntheura iwe uwēnge na kuchita kuweme.”

⁹⁷ Ndipo para mpingo wajiwunganiska iwowene pamoza kutali na kachitiro ka vigomezgo vyake, na kuyegamira pa Mazgu gha Chiuta, ntheura mpingo uwēnge na kuchita makora. Icho chiwēnge chinthu icho chimazgenge chikomunisiti.

⁹⁸ Kasi ntchichi chikapanga chikomunisiti...? Chinthu chenechira, imwe mukughanaghana “chikomunisiti,” para iwo wakuthandazga ndondomeko yawo, na kukuranga mwakuchita kuduka, mwa mamiliyon, ndipo wantru wakachita mantha na ichi: chikomunisiti chira chifwifwenge na kufwa. Ichi chikwenera kuchita. Chikomunisiti, iwo panyake wangachita *ichi*. Iwo panyake wangachita *icho*. Ine nkhwugomezga Chiuta wachigwiriskenge ntchito ichi, kweni, uwo mbunenesko, ngati ndiumo Iyo wakachitira na Nebukadinezar. Iyo waphwasurenge, m—m—m... duru lose, kufumiskapo, kugwiriska ntchito chikomunisiti. Kweli, chira... Ntha, chomene viwi ku icho. Kweli, wonani. Kweli chinthu, chikomunisiti, chizamkuwa na umaliro. Chikomunisiti chizamufika ku umaliro wake.

⁹⁹ Kweli Mazgu gha Chiuta ghalije umaliro, chifukwa Igho ghaka’awaye chiyambi. Amen. Igho nga Muyirayira na Chiuta. Ndipo usange imwe mwakhozgeka, ndipo Mazgu ghakhozgeka mwa imwe, imwe ndimwe Wamuyirayira pamoza na Mazgu. Amen.

¹⁰⁰ Ichi chikwenera kuti chifike ku umaliro wake. Vinthu vyose vira vikugwedezegeka. Palije kanthu kwali iwo wakuzenga mzati ukuru uli, uwu ukwenera kuti ugundumuke. Vinthu vyose ivyo ntha ndi vya, vikwimikana na Mazgu ghara, panji vikususkana na ichi, vikwenera kuti visunthe. Ichi chikwenera kuti chipereke malo, chifukwa Mazgu ghawkiza mwakutonda. Kulije chinyake chingatondeska Ichi. Chiuta wali kuyowoya ntheura.

¹⁰¹ Para Iyo wakuyowoya Ichi, kuchanya na charu chapasi vimarenge, kweli Ichi chizamutondeka yayi. Bisani Mazgu agho mu mtima winu, umo imwe mungatorera Mazgu agho na kuzomerezga Igho ghakure. Sungani Agha mu malingaliro ghinu, nyengo zose, chifukwa Agha ghazamkutondeka yayi. Mazgu gha Chiuta ghazamkutondekapo yayi, chifukwa Iyo wakati Igho ghazamkutondeka yayi. Ntheura ise tikukhumba kuti tisunge ichi pa icho.

¹⁰² Sono, Paulos wakayowoya, mu Malemba, ngati kusambizganga msirikali, msirikali ku kaliriro. Sono, msirikali wakwenera kuti wasambire kaliriro ka yake...ka sengwe panji mbata. Iyo wakumanya yayi usange mbata yikuruta, yikulira, kwali kuti—kuti warute kunthazi panji wawerere kumanyuma. Usange iyo wakumanya yayi mphambano, kasi liwēnge gulu

lakutimbanizgika uli imwe muŵenge nalo? Murwani mbwenu walithereskenge gulu la wâsirikali ilo ntha likasambizgika makora kuruska icho. Amen.

¹⁰³ Ili ndilo suzgo na mipingo yithu muhanyauno. Ise taŵasambizga iwo pa kachitiro ka vigomezgo, kupambananga yumoza na munyake.

¹⁰⁴ Ise tikwenera kuwa âwakukoleranako. Ise tikwenera kuti tiyimanye mbata. “Ntheura kasi mbata ndi vichi?” iwo âwakuti. Mbata ya Ivangeli, ndiyo Iyi. Mazgu gha Chiuta wamoyo ndiyo Mbata. Ntha mungasazgangako kalikose ku Ili.

¹⁰⁵ Ntha mungawângwa na munyake walizge chitoliro cha French, ndipo yumoza munyake walizge sengwe. Palije munthu wakumanya chakuti wachite. Ichi chikwiziska nthimbanizgo.

¹⁰⁶ Ndipo Paulos wakayowoyanga za kumusambizganga munthu ku kaliriro. Ndipo umo kulira kula kuliri, iyo wakumanya makoraghene chakuti wachite, chifukwa wakulizga wali na marango, ndipo kufuma kwa chirongozgi mukuru. Ndipo para iyo wakulizga mbata iyi, gulu lankhondo likumanya makoraghene malo kuti—kuti lirute, na kwakuti liwerere, ndipo kwali lichimbilire kumaryero panji kumazere, panji chakuti lichite, pa kulira kwa mbata.

¹⁰⁷ Sono, gulu lankhondo, nkhondo, nyengo zose yiri kuwa nkhondo. Ise ntha tikajoyina Mpingo, panji kunjira mu Mpingo, kuti tikwiza ku chiryerano. Ise tikwenera kumanya kuti ise tikwiza ku malo ghankhondo.

¹⁰⁸ Ine ntha nkhwiza ku wânthu kuti wândisisitzge pa msana na kuti, “M’bale Branham, iwe ndiwe munthu muweme.” Yayi, bwana. Ine nkhwiza kula navwara chiskango. Ine nkhusuweka chiskango yayi pa icho. Ine nkhwiza na chipewa na chirwero. Ine nkhwiza kuzakarwa, kurwa malo ghalighose.

¹⁰⁹ Chiuta wakaphalira Joshua, “Malo ghalighose vikandiro vya marundi ghako vyamkudyaka, agho Ine nakupa iwe.” Ntheura, mikwevu ya vikandiro yikang’anamura kupoka malo.

¹¹⁰ Ndipo para mpingo wafika ku malo, uko uwu ukulekerera na vigomezgo, na kulekerera na Mazgu, ndipo ukulekerera na charu, ine nkhung’anamura, ntheura uwu ukutaya malo. Uwu ukuwerera kumanyuma.

¹¹¹ Icho ise tikukhumba usiku uwu ndi wâsirikali kuti wâtore phangano lirilose Lauzimu la Baibolo ili, ilo Chiuta wakalayizga ku Mpingo, mahomwa ghose gha Chiuta, na kuyimirira. Ndicho ise tikukhumba; ntha kugura uniformu kuwa chakuvwara cha pa perete, ichi nyengo zose ntchalulekana. Para munthu . . .

¹¹² Charu chirichose, ise tiri na wâzondi mu charu chirichose. Ise tiri na wâzondi wa chiGerman kuno. Ise tiri na wâzondi wa Chingerezi kuno. Ise tiri—ise tiri na wâzondi uko mu England. Kasi iwo âwakuyezga kuchita vichi? Iwo âwakuyezga

kuti wafufuze kuti kasi ndi zipangizo za mtundu uli, bomba la mtundu uli, chimoza chinyake chiri nalo. F.B.I. yiri pafupifupi charu chirichose. Iwo wakuwonderera, kuti wawone. Úmo ndimo iwo wakukhalira umoyo. Iwo wakulaŵiska na kuwona kasi ndi mtundu uli wa bomba chimoza chinyake chapanga. Ntheura iwo wakwiza ndipo wakupanga ili mwakujumpahirako pachoko, panji kupanga chinyake chakuti chilimbane na ili. Iwo nthia wakugomezgana yumoza na munyake, mu vyaru, chifukwa icho chikuwoneska kuti vyaru vikugwedezegeka. Chifukwa, England wangamanya kutiphuliska ise, mu ora, usange ise tingajumpha mphaka yawo, panji ise tingamanya kuwaphuliska iwo. Chikutorera waka munthu munyake wakwere pachanya pa chinthu kula, kuti watorepo chakumwa pachoko panji ghaŵiri, wānandi chomene, panji kuwa na chinyake, ndipo mbwenu ichi chikuchitika.

¹¹³ Kuno nthia kale chomene, iwo wakayowoyanga, kalaya kachoko ka saru, “Kakapangika mu Japan,” mu nyengo ya nkondo. Iwo wakamanya kupoṇya aka pasi, na kwenda kuzingilira, mwakunyadira. Ndipo sono imwe mulipirenge mtengo ukuru pa aka kuruska chirichose imwe mugurenge mu charu. Kasi kukachitika vichi? Zira zikalipilira maumoyo gha wanyamata wara awo wakafwira kudera kula? Yayi nadi.

¹¹⁴ Kasi ntchichi ichi? Ine nkupwerera yayi umo imwe mukulimbirana mu vinthu nya kuthupi, imwe mukuruta, ichi nthia ching’anamurenge chinthu chimoza. Ichi chikgwedezegekenge. Kwensi kuli kutimbana kumoza pera uko imwe mungamanya kunjirapo na kutora malo agho nthia ghagazakapokeka kwa imwe. Uko ndi kulira kwa Ivangeli la Mbata ya Chiuta, ndipo wali kutora vyawanangwa na mapangano agho Iyo wakupereka ku Mpingo. Nadi chiriko. Sono, ise tikusanga—ise tikusanga, kuperekanga kulira uku kwa mbata.

¹¹⁵ Sono, charu chirichose chikuyezga kukhozga wanyamata wawo na chivikiriro chapachanya chomene icho iwo wāngamanya kuwa nacho. Sono, ine nkhumanya, nyengo zinyake virwero ivi ndi vipusu yayi kuyegha.

¹¹⁶ Ine nkhaŵa na m’bale, “Rookie,” iwo wakamuchema iyo, wakuruta kuwaro uku, ndipo gulu lankhondo likumupa iyo katundu wa fote kilogiramuzi pa msana wake. Ndipo uyo pafupifupi ndi sikelo umo iyo wakawira. Iwo wakumupa iyo shovelo, kuti wakajimire khululu; futi, na mulu wose wa vopolopolo nya m’manja. Ndipo, o, ine nkhamuwonapo yayi katundu wantheura! Mnyamata muchoko wachitima wakatondekanga nanga nkuyenda. Ndipo iwo wakakhira nayo msewu ulendo wa eyiti kilomitazi. Ichi chikawa ngati chikamukoma iyo. Iyo wakati, “Kasi uzereza uwu ngwa vichi? Kasi ine nkukhumba chipewa chakale chikuru ichi kuti ntchavichi?” Sono, wonani. Wankhondo wakumanya

kuti iyo wazamkuchikhumba icho nyengo yinyake. “Kasi ine nkukhumbu shovelo kuti njavichi, kuwaro kuno pa msewu ukuru, kwendanga?” Ntchiweme uzgoŵere kugwiriskanga ntchito ichi. Iwe panyake uzamuchikhumba ichi.

¹¹⁷ Boma ntha liperekenge chinthu chirichose chambura phindu iwe ukumanya . . . iwo wakumanya kuti iwe uzamuchigwiriska ntchito ichi. Iwe ukwenera kusambizgika icho. Iwo wakusanga vinthu vyapachanya chomene ivyo iwo wângasanga, kuti uvikilirike navyo, chifukwa iwo mbakukondwereskeka mu mtundu wa wantru. Iwo wali na chitemwa mwa iwe kuti uwêna kuvikilirika kuweme chomene iwe ungamanya kuwa nako, kutali na vipolopolo. Nyengo zose chiri kuwa nttheura.

¹¹⁸ Ichi chikayambira mu munda wa Eden. Ndipo Chiuta wakusambizga Mpingo Wake. Ndipo a . . .

¹¹⁹ Imwe mukumanya, ise nyengo zose tikwenera kusinthiranga ku kuchita makora. Sono, ndege zakale izo ise tikagwiriska ntchito kale mu Nkhondo Yakudankha ya Charu; Nkhondo Yachiwîri ya Charu, chifukwa, twakugogodera tuchokotuckoko tula mu mlengalenga tose pamoza tukafumamo, para iwo wakawîkamo ndege ziweme zikuru izi izo wakaâwa nazo. Chifukwa, utu tukaâwa kanthu yayi. Ndipo sono, zeneizo iwo wakagwiriska ntchito mu nkhondo iyi yaumaliro, sono izi ndi zachikale. Iwo wakuzikhumbaso yayi izi. Iwo wali na majeti. Ndipo, wonani, imwe nyengo zose mukuyezga kusinthira ku kuchita makora, kuti musinthe pa chinthu cha kujivilira.

¹²⁰ Kweni imwe mukumanya kasi? Chiuta ntha wakwenera kuti wasinthire kukuchita makora. Chiuta wakapereka ku wana Wake, wasirikali Wake, chinthu chapachanya chomene icho chikamanya kuperkekwa kwa iwo. Para Iyo wakati waâwapa iwo, kasi Iyo wakaâwapa vichi iwo? Iyo wakaâwapa Mazgu Ghake mu munda wa Eden, ndipo munthu wakayenera kuti wajibise iyomwene kuseri kwa Mazgu gha Chiuta, ndipo kulije devulu wangamanya kumusanga iyo. Khalani mu Mazgu.

¹²¹ Sono, msundi murwani, Satana, wakayezga kuti wasange chakuti iyo wangamanya kuchita kuti wanjiremo mula. Nttheura iyo—iyo wakamanya kuti iyo nthena wakiza waka yayi na kumofya iyo, nttheura chinthu chimoza pera iyo wakamanya kuchita chikaâwa chakuti wamusange iyo pa kughanaghanira. Ndipo icho ndicho Chiuta wakugwiriska ntchito muhanyauno, kuti wavikilire Mpingo Wake, na Mazgu Ghake. Ndipo Satana wakwiza na nkhongono ya kughanaghanira. Satana wakamanya para pakaâwa pakunjilira. Ghara ghakaâwa malo kuti wantru wakamanya kuphyora mwakuphweka chomene, kukaâwa kughanaghanira.

¹²² Imwe mukuti, “Sono, rekani ine nidumbirane waka na imwe. Sono kasi ichi ntchakukhumbikwira?”

¹²³ Usange Chiuta wakayowoya kuti ichi chikâwa chakukhumbikwira, ichi ntchakukhumbikwira, kwali ise tilirenge, kootoo, na kuchita chose *ichi*. Usange Chiuta wakayowoya kuti ubapatizo wa Mzimu Mutuâwa ngwakukhumbikwira, Ine nkhupwelera yayi kwali Uwu ndi nguzitu uli, ndipo kwali imwe mukwenera kuti mureke vinandi uli nya charu, imwe mukwenera kuti muzakachigwiriske ntchito Ichi, limoza la mazuâwa agha, kuti mukhale âwamoyo. Nthowa yimoza pera yakuphokwera.

¹²⁴ “Sono, kasi ise tigomezgenge machirisko Ghauzimu, penepapo ise tiri na madokotala ghapachanya chomene mu charu?”

¹²⁵ Chiuta wakamupani imwe machirisko Ghauzimu chifukwa Iyo wakumanya kuti imwe mukwenera kuti mugwiriske ntchito ichi. Iyo wakamupani imwe vyawanangwa nya Mzimu.

¹²⁶ Ndipo para Satana wakati wafika waka pafupi na Eva, iyo wakayamba kudumbirana na iyo. Sono, “Nadi, nadi, Chiuta wangachita yayi *icho*.”

¹²⁷ Wanthu âwakuyowoya muhanyauno, “Kulije chinthu ngati gehena.” Wanandi wa iwo âwakumuphalira imwe *icho*. Mukuwona? “O, nadi Chiuta wangawotcha yayi âwana Wake.”

¹²⁸ Nadi, Iyo ntha wakuwotcha âwana Wake. Kweni âwaheni wawotchenge, âwake. Kasi imwe ndimwe mwana wanjani? Icho ndi chinthu chakurondezgako. Gehena wakalengekera devulu na âwana âwake, ntha âwana wa Chiuta. Palije yumoza wa iwo wakuruta kula. Uwo mbunenesko. Chikutorera pakuti ndiwe mwana wanjani.

¹²⁹ Sono, Chiuta wakamupa Eva na Adam Mazgu Ghake, ndipo Iyo wali kusintha yayi Ichi. Iyo nyengo zose wakâwa... Mukhristu, panji wakugomezga, Chivikiriro chake ndi Mazgu.

¹³⁰ Kuchanya na charu chapasi vimarenge. Kachitiro kalikose ka chigomezgo kamarenge. Bungwe lirilose lizamutondeka. Charu chirichose chizamkutitimira. Kweni Mazgu gha Chiuta ghazamkuyima, Muyirayira. Yizamkuâwako nyengo apo nyenyezi ya mlenji yizamkuâwara yayi munthowa yiriyose. Yizamkuâwako nyengo apo zuâwa lizamkuâwara yayi, ndipo mwezi uzamkuâwara yayi, ndipo charu ntha chizamkuzingilira mu nthowa yake.

¹³¹ Kweni Mazgu gha Chiuta kwa tuyirayira ghakkhalirirenge chimozimozi. Enya. Icho ndi chinyake icho chingasuntha yayi, chinyake icho imwe mungamanya kudalira. Ichi ntchakusimikizgika. Chiuta wayowoya chinyake, ichi ntchakusimikizgika kuti chichitikenge.

¹³² Usange Iyo wakayowoya, mu munda wa Eden, kuâwa Muwomboli, Iyo watumenge Mesiya, ichi ntchakusimikizgika kuti wafikenge. Nangauli iwo âwakalindizga virimika foru

sauzandi, kweni Iyo wakafika kula. Iyo wakenera kuti wafika chifukwa ghakaŵa Mazgu ghakulayizgika gha Chiuta.

¹³³ Chiuta wakalayizga kuti wazakumutumaso Iyo. Iyo wazamkuŵa kuno. Ine nkhupwelera yayi kwali ŵaphukengé ŵambura kugomezga ŵalinga na ŵakususka, chirichose iwo ŵakuchita, kwali chikomunisiti chithandazgike chomene uli, Yesu Khristu wazamkwiza, ndipo wazamutora Mpingo uwo ngwakuchapika na Ndopa, ndipo wazamkuwutora Uwu pa ulendo mu mtambo kuya kanjira Kuchanya. Chifukwa? Ichi ntchakusimikizgika kuti chizamuŵako. Mazgu gha Chiuta ghakayowoya ntheura.

¹³⁴ “Usange iwe ungagomezga, vinthu vyose ndi vyamachitiko.” Icho ntchakusimikizgika. Chiuta wakayowoya ntheura, ndipo ichi chingasuntha yayi, ntha chingakankhikira kutali. Chiuta wakayowoya ntheura, usange imwe mukhalenge waka na ichi (Sono . . .) na kuŵa na chipulikano mu ichi, kugomezga ichi.

¹³⁵ Ntha ndi kulira kwambura kusimikizgika. Chiuta ntha wangapereka kulira kwambura kusimikizgika. Vigomezgo vingamanya kupereka kulira kwambura kusimikizgika. Mabungwe ghangamanya kupharazga kulira kwambura kusimikizgika. Kweni Chiuta ntha wangayowoya mazgu ghambura kusimikizgika. Ndipo Mazgu agha ndi Chiuta. Ndipo palije chambura kusimikizgika za Ichi. Chigâwa chake chirichose ntchakusimikizgika.

¹³⁶ Sono, Mpingo ukuru ngwakukhözgeka na Mazgu. Sono, para Yesu wakati wafika, kasi Iyo wakagwiriska chida chenechira? Iyo wakachita nadi.

¹³⁷ Para Satana wakati wafika kwa Iyo, mu nkhongono zake zose, ndipo iyo wakati, “Usange ndiwe Mwana wa Chiuta, chita *chinyake*, vinthu *vinyake*.”

¹³⁸ Iyo wakati, “Kuli kulembeka . . .” Nkhanira wakawerera ku Mazgu. Satana wakamuyezga Iyo mwakukwererapo muchanya pachoko. Kweni, Yesu, wakakhala nkhanira na Mazgu, “Kuli kulembeka . . .”

¹³⁹ Kula Iyo wakakhalarira, pa Mazgu ghara, kuwoneskanga kwa ise ngati chiyezgerero. Umo Iyo wakayowoyeru mu 1 Ŵakorinte, chakudankha . . . Yohane Mutuŵa 14:13, “Ine ndamupani imwe chiyezgerero.” Ndipo icho ndi chiyezgerero, chakuti ise mwakudidimizgapo, ise tikwenera kuti tikhazikiske chigomezgo chithu mu Mazgu gha Chiuta. Rekani chirichose chiŵe utesi. [Pa tepi palije kalikose—Munozgi]

¹⁴⁰ Icho ndi chinthu chimoza icho ntchakusimikizgika. Chiuta wakapanga phangan. Chiuta wasungenge phangan. Iwo ŵakuti, “Kasi chinthu *ichi* chingachitika uli? Kasi Iyo wangawunganiska uli gulu la ŵanthu pamoza, na uchizi wa Kukwatulikira, kuti lirute kuchanya?” Ine nkhumanya yayi umo Iyo wachitirenge ichi. Ndi ntchito yane yayi kufumba umo Iyo

wachitirenge ichi. Ndi ntchito waka yane kuwa wakunozgekera ichi. Iyo wakalayizga ichi. Ichi chizamkuchitika. Wakavikirira Mpingo Wake na Mazgu.

¹⁴¹ Ndipo chinthu chakudankha chikaŵa kughanaghanira. Sono iwo ūakuti, “Kasi ntchakwenerera waka yayi sono, usange ine ndiri mu mpingo *uwu*, kasi ula nguweme waka yayi ngati mpingo *ula*?”

¹⁴² Kuli Mpingo umoza pera uwo imwe mungaŵamo. Imwe ntha muchitenge kujoyina Uwu. Imwe panyake mungajoyina loji, Methodist loji, na Prezibetere loji, na Baptist loji, na Pentekosite loji. Kweni imwe mukubabikira mu Mpingo wa Yesu Khristu, ntheura apo pali Mpingo.

¹⁴³ Agho ndi malozi, uko ūanthu ūakwiza pamoza, ngati ūchaholi ūakhala pa munthavi *uwu*, ndipo nkunda pa munthavi *uwu*, na—na vinyake ntheura. Uwo ndi wenenawene imwe muli nawo pamoza, para imwe mukugaŵana chakurya chakuyana.

¹⁴⁴ Kweni para ichi chafika ku Mpingo wa Yesu Khristu, kuli nthowa yimoza pera. Iyo ndi Kubabika. Kubabika!

¹⁴⁵ Ichi chiri ngati waka munthu, ngati ndiumo ine ndiri kuyowoyeria nyengo zinandi, ngati kayuni kafipa kakhala pa munthavi, kuyezganga kuŵika mahungwa gha nkukundembwe mu mapapindo ghake, na kuti, “Imwe wonani, Ine ndine nkukundembwe yankhongono.” Mukuwona? Iko kakasomekamo mahungwa ghara, ikokekha. Usange iko kakâwa nkukundembwe yeneko, kâwiros kake nthena kakapanga mtundu ula wa mahungwa.

¹⁴⁶ Usange Mpingo wa Chiuta wamoyo ndi Mpingo wa Chiuta wamoyo, Uwu uwoneskenge Mazgu gha Chiuta wamoyo. Imwe ntha mukwenera kusazgirako mahungwa gha nkukundembwe kulikose. Ndipo hungwa lirilose mwenemula lilumikizikenge ku nkukundembwe. Imwe mungamanya kugomezga icho. Ndipo hungwa lirilose ilo lasomekeka mu Mpingo wa Chiuta liŵenge Mazgu gha Chiuta. Iyo ntha wanjizengemo chinyake chirichose kweni Mazgu. Amen. Chifukwa, kâwiros ka Mzimu kakuwoneska Mazgu pera. Amen. Ine nkufika pa kupulika usopisopi. Mbunenesko.

¹⁴⁷ Ntha chinyake icho imwe mukuyezga kuchita, ntha icho imwe mukupanga. Imwe mungapanga yayi uso-... Imwe mungapanga yayi chiponosko. Imwe mungapanga yayi vyawanangwa. Imwe mukwenera kuti mupambike vyawanangwa. Nadi. Mukuwona? M—mberere ntha, iyo ntha yikupanga weya. Iyo wali na weya chifukwa iyo ndi mberere. Iyo yikubaba waka weya. M—m—khuni la cheri ntha likupanga macheri. Ili likupambika waka macheri, chifukwa umoyo wa ili uli mwantheura umo.

¹⁴⁸ Ndipo Mpingo wa Chiuta wamoyo ntha ukunjizgamo Ichi, kuyezga kujipanga iwoŵene kuti uwoneke ngati chinthu chinyake. Iwo wali kale icho iwo wali, mwa uchizi wa Chiuta. Ndipo Mazgu gha Chiuta ghalumikizana na iwo, ndipo iwo wâlumikizikana na Mazgu. Ndipo milimo iyo yikababika mwa yumoza wakufikapo yura, Yesu Khristu, Chiuta wakawonekera mu thupi, yijipangenge iyoyene mu wakugomezga waliyose wakubabikaso. Iyo wakayowoya ntheura. Amen. Kulije chinyakeso. Sono, icho ntchinyake chakusimikizgika.

¹⁴⁹ Sono, ichi pachoko chiwenge—chakutimbanizga pachoko kwa munthu, usange iyo ntha wakakamanya makora kaliriro keneko ka mbata. Sono, munthu uyo ntha wali kusambizgika ku mbata, ndipo wakayipulikapo yayi iyi, enya, iyo panyake wangatimbanizgika pachoko para iyo wakupulika chinyake chikupulikikwa mwakulekana na icho iyo wali kupulika. Iyo nyengo zose wali kupulika, “Joyina mpingo. Ruta na kalata yako kudera *uku* na kudera *uku*.” Ichō panyake chingâwa makora. Ndicho chekha iyo wakumanya.

¹⁵⁰ Kweni ntheura para iwe ukuyowoya, za ubapatizo wa Mzimu Mutuwâ, kuyowoyanga za nkhongono ya Chiuta na vinthu ivyo Iyo wakuchita; na umo ichi chikupangiskira wânakazi na wânarumi, wose, kujiphotorâ iwoŵene kufuma ku umoyo wa kwananga; umo ichi chikupangiskira iwo kwenda mwauchiuta, mwakugomezgeka. Ndipo vinthu ivyo iyi yikuchita, ndipo yikubaba ubapatizo, kuyowoyanga malilime, kuchizganga wârvari, kufumiskanga viwanda, kuchimanga, vyawanangwa, o, mboniwoni, chirichose mu Mpingo. Aleluya! Uwo mbunenesko. Para ichi chikuchita, ntheura ichi chikuwa chakutimbanizga pachoko kwa iwo weneawo ntha wâkapulikapo mtundu ula wa mbata.

¹⁵¹ “Enya,” imwe mukuti, “mpingo wane ntha ukusambizga icho.” Ntheura uwu ntha ukulizga mbata ya Ivangeli. Uchindami! Mbunenesko.

¹⁵² Kweni ku wâsirikali wara wâkusambizgika, aleluya, para iwo wâkupulika mbata yira yikulira, iwo wâkumanya umo wângayimiririra mu dongosolo. Kunthazi, Mukhristu musirikali! Uchindami! O, uko ntchakusimikizgika!

“Kasi imwe mukumanya uli kuti ichi ntchakusimikizgika?”

Ichi chiri pa Mazgu.

“Enya,” imwe mukuti, “mpingo withu ntha ukusambizga Icho.”

¹⁵³ Kweni mbata yikulizga Ichi. Ine nkhukhumba yayi kusambizgika ku chigomezgo cha mpingo, chifukwa ichi chisunkhunyikenge na kuwa. Kweni usange imwe mwâsambizgika ku Mazgu, kuchanya na charu chapasi vimarenge, ndipo Mazgu agha ghazamkutondeka yayi. Kachigomezgo kalikose, chinyake chirichose, chiwenge. Kweni

Mazgu agha ghazamkutondeka yayi. Amen. Ako ndi kaliriro. Ako ndi kaliriro ako ine nkukhumba kupulika. Enya, bwana.

“O,” imwe mukuti, “kasi ine nimanyenge uli?”

¹⁵⁴ Yesu wakati, “Mberere Zane zikupulika lizgu Lane. Izo zikuyimanya mbata Yane.” Iyo wakayowoya, mu Yohane Mutuŵa, chipatulo 14 ndipo vesi 12, “Iyo mweneuyo wakugomezga pa Ine, milimo iyo Ine nkuchita iyo wachitenge nayoso.” Sono, Iyo wakayowoya icho.

Usange munthu wakuti, “Enya?”

¹⁵⁵ Wahebere 13:8 wakati, “Yesu Khristu ndi mweneyura mayiro, muhanyauno, na muyirayira.”

“O,” iwo ūakuti, “mu nthowa yinyake.”

¹⁵⁶ Sono, mberere yeneko yiyowoyenge, “Uh-o. O, chinyake chikanjiramo, mu icho. Ichontha chikapulikikwa makora. O, ilo likwenera kuŵa sengwe la chiFrench. Iyo yanguŵa mbata yayi, chifukwa Baibolo ntha likupereka kaliriro kambura kusimikizgika.”

¹⁵⁷ Ili likuti, “Imwe mupokerenge Mzimu Mutuŵa.” Ntha, “Imwe panyake mungachita.” “Imwe mupokerenge, waliyose.” Mpaka pauli? “Kufika ku ūana ūinu, na ku ūana ūana ūinu, na iwo ūeneawo ūali kutali, nanga ndi ūanandi awo Yehova Chiuta withu wazamuchema.” Iyo walizgenge mbata mu mtundu uliwose wa ūanthu na muwiwo uliwose, ndipo iwo ūapulikenge Lizgu Lake. Iwo ūagomezgenge Ichi, iwo ūeneawo ūali kwimikikira ku Umoyo. Amen. Iwo ūagomezgenge Ichi chifukwa iwo ūakumanya kuti Ndi kulira kwa mbata ya Ivangeli. Iyi ntha njambura kusimikizgika. Msirikali waliyose wakumanya umo wangayimiririra.

¹⁵⁸ Sono, imwe mukamuwona Petros, na Yohane, Yakobe, na mpingo wakwambilira, ūakwenda kurazga nthowa iyi, chifukwa mbata, Yesu, wakati, “Rutani imwe mu charu chose, mukapharazge Ivangeli.” Marko 16, wonani, “Vimanyikwiwo ivi viŵarondezgenge iwo ūeneawo ūakugomezga.” Ise tikumuwona Petros, Yakobe, Yohane, ūanyake wose pa mzere, ūakwenda kuruta ku Ichontha.

¹⁵⁹ Ndipo ise tikung’anamukira ku nthowa yinyake, kutali na Ichi? Yumoza wakuruta kunthazi, munyake wakuruta kumanyuma? Yumoza wakuti, “Enya, kula kukaŵa kwa unyake. Kula, kula—kulira kula, kukaŵa kwa unyake.” O, yayi. Uku kungaŵa yayi.

¹⁶⁰ Gulu lose la Chikhristu likuyipulika mbata. Chiuta wakati yira yikawa mbata. Iyo wangasinta yayi ichi. Kula ndi kulira kwenekuko Iyo wakayowoya kuti kuzamulizgika. “Ichi ūanthu wose ūamanyenge,” ndipo uko Mpingo ukuruta.

¹⁶¹ Wanji ūa iwo ūakugomezga yayi mu Kwiza Kwake kweneko. Baibolo likati Iyo wazamkwiza, ntheura ise tikulindizga Kwiza

Kwake. Usange Iyo wafikenge yayi usiku uwu, ise tilindizgenge mlenji. Usange Iyo wafikenge yayi mlenji, ise timukhazgenge Iyo machero usiku. Ndipo ise tirutirizgenge kulindizganga. Usange tigonenge tulo, kwithu—kwithu...ise taphyoka pawaka yayi. “Pakuti mbata ya Chiuta yizamulizga mbata yaumaliro yira, ndipo wakufwira mwa Khristu wazamuwuka. Ndipo ise taweneise tiri wamoyo ndipo tikukhalirira tizamkukwapulikira muchanya pamoza na iwo, kuti tikakumane na Fumu mu mlengalenga, ndipo muyirayira kuwa kula.” Uko ndi kulira kwa mbata. Kwali ine ndiri wamoyo panji kwali ine ndirute, ntha chikupanga mphambano yiriyose. Ine nizamkukupulika kulira. Ine nizamuwuka. Uchindami kwa Chiuta! Kuwuka. O, enya. Enya.

¹⁶² Yesu wakayowoya, kuti, “Mberere Zane zikupulika lizgu Lane.” Iyo wakawa Mazgu ghakuwonekerera. Para a...Umo ndimo mberere Zake zikamumanyira Iyo.

¹⁶³ Sono wawoneneni waFarisi na iwo mu nyengo yira. “O,” iwo wakati, “Munthu uyu ndi Berezebure.” Para Iyo wakamuphalira mwanakazi pa chisime, kula, za zakwananga zake, wanarumi wake iyo wakawa nawo, para Iyo wakaphalira Nathaniel uko iyo wakawa, musi mwa khuni uko Filippu wakamuchema iyo, kuwaro musi mwa khuni la chikuyu, kurombanga, chifukwa, wasambizgi wara wa nyengo yira wakati, “Munthu uyu ndi Berezebure. Iyo ndi devulu. Iyo ndi muwukwi.”

¹⁶⁴ Kweni chira ntha chika wa nttheura na Petros, Yakobe, na Yohane, wanayake wose wa iwo. Iwo wakamanya ichi. Chifukwa? Iwo wakamanya kuti Chiuta wakayowoya chira kuti para Mesiya wazamkwiza, pasi pa lizgu lakukhuwirizgika la Moses, Iyo wazamkuwa muprefeti. Ndipo para iwo wakati wawona vinthu ivyo Iyo wakayowoya vikuwonekerera na kuzgoka vyakufikapo, iwo wakamanya kuti chira chika wa chakurya cha mberere. Iwo wakamanya kuti yira yikawa mbata. Ndipo iwo wakayamba kuyirondezga iyi. “Mberere Zane zikuyimanya iyi,” chifukwa izo zikawona Mazgu gha Chiuta ghakuwonekerera.

¹⁶⁵ Sono, wantru muhanyauno, iwo ntha wakugomezga kuti chiriko chinthu ngati ubapatizo wa Mzimu Mutuwa. Fikani kuno panji kumalo kunyake uko iwo wali na Mzimu Mutuwa, ndipo iwo wakuwona phangano la Chiuta likufiskika waka ndendende, chifukwa, “Mberere Zane zikupulika lizgu Lane.” Iwo wakuyimanya saundi ya mbata yira chifukwa iyi ndi Baibolo. “Yesu Khristu mweneyura mayiro, muhanyauno, na muyirayira.” Iyo wachali ndithu Wahebere 13:8, ndendende.

¹⁶⁶ Ine nkhupwerera yayi, sono, ichi chikupanga mphambano yiriyose yayi kasi ndi masengwe ghalinga gha mpingo agho ghakulira. Ise tiri na wanandi wakulizga masengwe mu mpingo, imwe mukumanya, kulizganga zingirizge kulikose, kuti, “O,

mazuwa gha minthondwe ghali kujumpha. Kulije chinthu chantheura ngati machirisko Ghauzimu.”

¹⁶⁷ O, mberere yeneko ntha yikutegherezga ku icho. Kweni iwo âwakutegherezga ku mbata, yiwe me yira.

¹⁶⁸ Sengwe lira la mpingo lingamanya kulizga chirichose. Imwe panyake... Wonani icho uwu uli nacho muhanyauno, masengwe gha mpingo. Yumoza wakuchimbira nthowa *iyi*, ndipo yumoza wakuchimbira nthowa *iyo*. Ndipo devulu wakhala kumanyuma, wakuti, “Mnyamata, iwo âwakutimbana waka yumoza na munyake. Mbwenu kwamara. Ine ntha nkuyenera nanga nkhusuntha woko lane.”

¹⁶⁹ Kweni, m'bale, rekani iwo wose âwize ku virwero nyengo yimoza, kuwerera ku marango gha chirongozgi. O, mwe! Ntheura imwe muti muwonenge “kunthazi, âwasirikali Âwakhristu,” nkhanira, ntha kutegherezganga ku masengwe, kweni kutegherezganga ku mbata.

¹⁷⁰ Tiyeni tilekezge waka, miniti pera, ndipo tiwerere kumanyuma ndipo tilawiske pa âwachoko sono. Ise tiri pafupi kuti tijare, chifukwa ine nkukhumba yayi kuti ndimusungeni imwe kuno nyengo yitali. Kweni tiyeni tiwerere kumanyuma ndipo tiwonepo âwanyake awo âwakakupulika kulira uku. Tiyeni titore... Ndipo iwo âwakasimikizga. Sono, ine namuwoneskani imwe chinyake chirichose chambura kusimikizgika. Tiyeni titorepo waka munthu yumoza mulara, pa kanyengo.

¹⁷¹ Tiyeni titore muprofeti Job. Sono, munthu yura wakayendera mu kuyezgeka, kweni iyo wakamanya kuti Chiuta wakakhumbanga sembe yakotcha. Chira ndicho Chiuta wakakhumbanga, ndipo ndicho Iyo wakakhumbanga. Ndipo palije kanthu kwali kukachitika masoka ghanandi uli ku nyumba yake... Chiuta ntha nyengo zose...

¹⁷² Para imwe mukuwona chinthu chinyake chikwenda makora yayi kwa munthu, icho ntha chikung'anamura kuti iyo wakukwapulika na Chiuta. Ichi panyake ntha chingâwa chakuti iyo wali kuwaro kwa khumbo la Chiuta. Iyo wakumanya mu mtima wake kwali iyo wakutegherezga ku mbata panji yayi.

¹⁷³ Chiuta wakakhumbanga sembe yakotcha *iyi*, ndipo Job wakayimirira nkhanira pa *iyi*. Mbwenu kwamara. Iwo âwakati, “Job, iwe ndiwe wakananga wa kuudesi. Iwe ukuchita chinyake icho ntchiheni.” Kweni iyo wakamanya makora. Iyo wakakhala nkhanira penepapo, chifukwa iyo wakakupulika kulira kwa mbata, ndipo iyo wakakhala nkhanira kwenekula na *iyi*.

¹⁷⁴ Ndipo, paumaliro, nkhanira ku umaliro kweneko, para iyo wakaâwa... Devulu wakaâwa kuti wamasulikira kwa iyo, ndipo wakatora banja lake, ndipo iyo wakatora âwana âwake, wakatora ngamira zake, ndipo wakatora chuma chake chose, ndipo wakavikita thanzi lake yekha. Iyo wakakhala pa mulu

wa vyoto. Kukawoneka ngati kuti chirichose chikamara. Kweni iyo ndipouli wakati, "Ine nkhumanya Muwomboli wane ngwamoyo. Pa mazuwa ghaumaliro Iyo wazamkuyimirira pa charu chapasi. Nangauli mphorozi za thupi zingananga thupi ili, kweni mu thupi lane ine nizakumuwona Chiuta." Palije chambura kusimikizgika za icho, chikawako kula? Yayi, "Ine—ine—ine nkughanaghana kuti Iyo ngwamoyo." Iyo wakati, "Ine nkhumanya Iyo ngwamoyo, ndipo Iyo wazamuyimilira pa mazuwa ghaumaliro pa charu chapasi. Nangauli mphorozi za thupi zingananga thupi ili, kweni mu thupi lane ine nizakumuwona Chiuta." O, mwe! Ichi chikachitika. Iyo wakasimikizga mwakukwanira.

¹⁷⁵ Abraham, kuwaro kwendanga mu munda dazi limoza, wakapulika Chiuta wakuti, "Abraham, Ine nkhiruta..." Iyo wakakumana na Abraham panthazi pa Mazgu ghakulembeka, ndipo Iyo wakati, "Abraham, Ine ndikupenge mwana kwizira mwa muwoli wako, Sara." Ndipo iyo wakaŵa na virimika siksiste-fayivi vyakubabika pa nyengo yira, ndipo Abraham wakaŵa sevente-fayivi. Ndipo iwo ūwakanozgekera uyu, ndipo iyo ntha wakaŵa na soni kuchitira ukaboni. Iyo wakamanya kuti iyo waŵenge na mwana.

¹⁷⁶ Ndipo Baibolo likati, "Iyo wakagwedezegeka yayi pa phangano la Chiuta kwizira mu kuwura kugomezga, kweni wakaŵa wakukakamizgika mwakukwanira." Amen. Wakukakamizgika mwakukwanira, icho chikung'anamura kuti iyo wali kukumana na chenekocheneko. Amen. Ndicho ichi. Chenekocheneko ndi umaliro wa msewu. Ndi chinthu chaumaliro. Ichi ndi—ichi ndi chose cha ichi.

Iyo wakati, "Ine ndine wakukakamizgika mwakukwanira kuti, icho Chiuta wakalayizga, Chiuta ngwamagomezgeko kuchita."

¹⁷⁷ Kasi imwe, usiku uwu, kasi imwe ndimwe ūwakukakamizgika mwakukwanira kuti uwu ndi Mzimu Mutuwā? Kasi ndimwe ūwakukakamizgika mwakukwanira, nthowa ndi iyi? Kasi ndimwe ūwakukakamizgika mwakukwanira, Iyo ndi Muchiriski? Kasi ndimwe ūwakukakamizgika mwakukwanira kuti Iyo wizengeso? Kasi ndimwe ūwakukakamizgika mwakukwanira kuti Iyo ndi mweneyura mayiro, muhanyauno, na muyirayira? Amen. Wakukakamizgika mwakukwanira! Enya.

¹⁷⁸ Tiyenititore munyake yumoza, Eliya, wayimilira pachanya kula pa phiri. Iyo wakakangana na Yezebeli na nkhopre yake yakuphoda, ndipo iyo wakaŵa ngati wavuka nacho ichi. Pafupifupi ūwanakazi wose ūwakukopera mwanakazi wakuzirwa chomene, panji madumuliro gha sisi mumphepete mwa mutu na chirichose iwo ūwakaŵa nacho mu nyengo yira. Iyo wakakangana chomene pa ichi mpaka ichi—ichi pafupifupi chikafika pa kumukhazika pasi iyo.

¹⁷⁹ Mwakurunjika, Chiuta wakayowoya kwa iyo, “Khala pasi apo. Imwe mukumanya, vura yikurokwa pafupifupi mazuŵa ghawiri panji ghatatu sabata yiriyose, kudera kuno. Kweni iwe yimirira kwa Ahab, ndipo umuphalire iyo, ‘NTHEURA WAKUTI YEHOVA. Jumi ntha lizamkuwa kufuma kuchanya mpaka ine ndizakalichemeske ili.’” O, mwe!

¹⁸⁰ Iyo ntha wakati, “Sono, Ahab, panyake, panji, panyake ichi chingamanya kuchitika munthowa iyi.” O, yayi. Iyo wakakakamizgika mwakukwanira, pakaŵavye chambura kusimikizgika. “Jumi ntha lizamkuwa, vura ntha yifikenge, mpaka ine ndizakalichemeske ili.” Amen. Uchindami! O, chifukwa? Iyo wakayipulika mbata. Iyi yikaŵa yakusimikizgika. Iyo wakamunya Chiuta wake. Iyo wakamanya chinyake chikamanya, para Chiuta wakati wayowoya Mazgu ghara, kuchanya kose na charu chapasi vizamkumara mpaka ichi—ichi chikachitika, ichi chikwenera kuti chichitike. Iyo wakakakamizgika mwakukwanira.

¹⁸¹ Sono, Iyo wakati, “Eliya, Ine nkhukhumba kuti iwe urute kula mu malo ghomizo chomene mu charu, pachanya nkhanira pa phiri uko kulije mironga. Kweni ine ndiri nawo umoza kumtunda kula wa iwe.”

¹⁸² Iyo wakakakamizgika mwakukwanira. Iyo wakakwera pachanya pa phiri ndipo wakakhala mumphepete mwa mronga Kerit. “Ndipo sono kasi ine nichitenge vichi pachanya apa?”

“Ine ndalangula kale wachaholi kuti wakakuryeske iwe.”

¹⁸³ “Sono, kasi iwo wachaholi wara... Sono, lindizgani miniti pera, Yehova”? Yayi, yayi. Mbata yikalira. Icho ntchakukwanira. “Kasi ichi chichitikenge uli? Ine nkhumanya yayi. Ine nkupwerera yayi. Mukuwona? Ntcha ine yayi kwenjerwa za icho. Iyo ndi ntchito ya Chiuta. Iyo wakati Iyo wakalangula wachaholi.”

¹⁸⁴ “Enya, Yehova, uli Imwe munirongosolere ichi ine, ndipo muniphalire waka uko iwo...ndi sukulu uli uko wachaholi wara wakaruta, kuti wakasambire kuyowoya Chihebere? Kasi ndi mtundu uli wa... Kasi iwo wakuphika pa mbaula za gasi, panji kasi iwo wali na nkhuni za moto, panji kasi iwo wakuchita uli ichi? Ndipo kasi iwo... Kasi iwo wakomenge nyama ya mtundu uli? Iwo ndi tuyuni tuchokotuchoko waka. Kasi iwo wanikomerenge uli ine nyama ya ng’ombe, kuti waniyeghere chingwa chakuŵikamo nyama?” Mukuwona? Mukuwona? Chira chikafumbika yayi.

¹⁸⁵ Chiuta, a—mbata ya Chiuta, Lizgu Lake likabangura ndipo likati, “Ine nachita!” (Ntha, “Eliya, Ine panyake ningachita ichi.”) “Ine ndachita ichi.” (“Ine ndichitenge ichi.”) “Ine ndachita kale ichi.” Amen.

¹⁸⁶ Uyo ndi Chiuta withu, usiku uwu. Ntha, “Iyo wazamuchita ichi.” Iyo wachita kale ichi. Amen. Iyo wachita kale ichi. Amen.

Ntha, "Iyo wazamuchita; Iyo panyake; panyake Iyo wachitenge." Iyo wachita kale ichi. "Ine ndalangula wachaholi."

¹⁸⁷ Iyo wakapereka Mzimu Wake ku wantru wose. Iyo wakapereka vitumbiko Vyake. Iyo wakakwera Kuchanya, ndipo wakapereka vyawanangwa ku wantru. Munyake wachipokerenge ichi. Munyake wachikanenge ichi. Ntha ndi ntchito yane umo ichi chikwizira. Ichi ndi kuti waka chafika kula. Chiuta wakati ichi chizamkuwa ntheura, ndipo ichi chiru ntheura. Petros wakayowoya, pa Dazi la Pentekosite, "Rapani, waliyose wa imwe, ndipo mubapatizike mu Zina la Yesu Khristu kuti zakwananga zinu zigowokerek, ndipo imwe mupokerenge chawanangwa, Mzimu Mutuwa." Kasi Uwu ufikenge uli? Ine nkhumanya yayi. "A—phangano liri ku wana winu, kwa iwo awo wali kutali, nanga ndi wanandi awo Fumu Chiuta withu wazamkuchema." Sono, imwe mungachikana yayi icho. Mbata yalira, ndipo ine nkugomezga ichi. Ine nkhapulikira iyi, ndipo nkhapokera ichi. Amen. Sono muyezge kundisuska ine pa ichi nyengo yimoza. Amen. O, ine ndine wakufikapo yayi. Yayi.

¹⁸⁸ Ngati usiku ula, mlongosi mulara mufipa, iyo wakati, "Walara, kasi ine ningapereka ukaboni?"

"Enya, mama."

¹⁸⁹ Iyo wakati, "Ine nkukhumba kuti ndiyowoye chinthu chimoza ichi." Iyo wakati, "Ine—ine—ine ntha ndiri icho ine nkukhumba kuwa." Ndipo iyo wakati, "Ine ntha ndiri icho ine nkukhumba kuwa. Kweni, pali chinthu chimoza ine nkhumanya, ine ntha ndiri icho ine kale nkhaŵa."

¹⁹⁰ Ntheura, kuti, umo ndimo ise tikupulikira za ichi sono. Ine ntha ndiri icho ine kale nkhaŵa, chifukwa ine ndaponoskeka usiku uwu, mwa uchizi wa Chiuta, ndipo napokera ubapatizo wa Mzimu Mutuwa, pa kutumika. Uwu ukapungulika kula pa Dazi la Pentekosite, phangano likaperekka, ndipo ine nkagomezga ichi. Kulije chambura kusimikizgika. Ine nkakupulika kulira. Ine nkhapulikira ichi, ndipo ine nasimikizga icho ichi chiru. Nadi. Ine nkhumanya ichi chiriko. Nadi.

¹⁹¹ Simeon, wavinjeru mulara pafupifupi virimika eyite vyakubabika, mahandiredi gha virimika kufuma apo nanga ndi para wakaŵa muprefeti pa charu chapasi, kweni wakwenda wali na mbiri yikuru. Mzimu Mutuwa wakayowoya kwa iyo dazi limoza, wakati, "Simeon, iwe ukumanya, iwe uwengye yayi mpaka iwe uzakawone chiponosko cha Fumu." Uchindami!

¹⁹² Panyake msifi mukuru, wakasisita mwembe wake nyengo zichoko, ndipo wakati, "Simeon, iwe ukwenera kuskakulira mwembe wako ku chigaŵa chinyake."

Iyo wakati, "Icho ntha chikupanga mphambano yiriyose."

"Kasi iwe ukumanya uli kuti ukuneneska?"

“Mzimu Mutuŵa wakandiphalira ine ntheura. Ine ndifwenge yayi.”

¹⁹³ “Chifukwa, Simeon, chifukwa, iwe ndiwe . . . Chifukwa, iwe uli pafupi kufwa sono nthena.”

¹⁹⁴ “O, ine nkupwerera yayi icho iwe ukuyowoya. Kweni Chiuta wakandiphalira ine kuti ine ndizamkuyiwona yayi nyifwa mpaka ine ndiwone chiponosko Chake. Palije chakukayikiska. Ine ndifwenge yayi. Ine niywonenenge yayi nyifwa mpaka ine ndimuwone Iyo.” Amen. Ndicho ichi.

“Kasi iwe uchitenge uli ichi, Simeon?”

“Ine, iyo ndi ntchito yane yayi.”

“Kasi Iyo walinkhu, Simeon?”

“Ine nkhumanya yayi.”

“Kasi iwe ukumanya uli kuti iwe wakumuwona Iyo?”

¹⁹⁵ “Chiuta wakayowoya ntheura. Ndicho ichi. Ndi Mazgu. Ine niywonenenge yayi nyifwa mpaka ine nimuwone Iyo.” O, mwe!

¹⁹⁶ “O, munthu muchekuru wachitima. Nkhumanya, iyo watimbanizgika mutu wake, imwe mukumanya. Ntheura murekani waka yekha iyo.”

¹⁹⁷ Kweni iyo wakamuwona Iyo, munthowa yiriyose. Enya, bwana. Chiuta wakuŵapangira nthowa âwanthu âwarâ awo watorenge Mazgu Ghake.

¹⁹⁸ Yesu, para Iyo wakâwa pano pa charu chapasi, ndipo Iyo wakayimirira kula pa dindi la Lazaro.

¹⁹⁹ Panji, pambere icho chindachitike, para Iyo wakâwa mu kukambiranâ na a—na âwanthu, za kuyowoyanga za umo Iyo, kweni ntha pambere wandafike virimika fifite vyakubabika, ndipo wakati Iyo wakamuwona Abraham. Imwe mukuwona kusimikizga umo Iyo wakâwira? Iyo wakati, “Pambere Abraham wandaŵeko, INE NDINE. INE NDINE.” Ntha, “INE nkhaŵako,” panji, “INE ndizamkuŵako,” kweni, “INE NDINE. Ine nkhusimikizga.”

²⁰⁰ Ntheura, Iyo wakayowoya, pa dindi la Lazaro, pambere Iyo wakâwa wandarute kusika kula, Iyo wakati, wakamuphalira Marita, Iyo wakati, “Ine ndine chiwuka, Umoyo.” Ntha, “Ine nkuyenera kuŵa,” panji, “Ine ndizamkuŵa,” kweni, “Ine ndine.” Amen.

²⁰¹ “Mdumbu wane, usange Iwe ukaŵenge kuno, nthena wandafwe. Kweni nanga ndi sono, Fumu, chirichose Imwe murombenge Chiuta, Chiuta waperekenge ichi kwa Imwe.”

Iyo wakati, “Mdumbu wako waukengeso.”

²⁰² “O, iyo wazamuwuka mu mazuŵa ghaumaliro, pa chiwuka cha waliyose. Iyo wakâwa mnyamata muweme. Enya, ine nkugomezga iyo wazamuwuka.”

²⁰³ Kweni Yesu wakamunyoska Iyo pachoko, yekha, muchanya, wakati, "Kweni Ine ndine chiwuka na Umoyo." Ntha, "Ine ndizamkuwa; Ine nkhuyenera kuwa," panji vinyake nttheura. "INE NDINE." Kulije kalikose kula, kulije chakugwedezegeka, kusunkhunyika za icho. Kulije chakukayikiska. Ichi chikawa chakufikapo.

²⁰⁴ "Ine ndine Chiwuka na Umoyo. Uyo mweneuyo wakugomezga mwa Ine, nangauli iyo wangafwa, kweni iyo waŵenge wamoyo. Uyo yose ngwamoyo ndipo wakugomezga mwa Ine wafwenge yayi." Ntha—ntha, "Iwo panyake waŋafwa yayi. Iwo panyake waŵenge yayi." "Iwo waŵenge yayi. Ntha—kulije chakukayikiska za ichi. Iwo waŵenge yayi."

²⁰⁵ "Iyo mweneuyo wakupulika Mazgu Ghane ndipo wakugomezga pa Iyo mweneuyo wakandituma Ine wali na Umoyo wamuyirayira, ndipo ntha wazamufika nanga nkhu Cheruzgo, kweni wajumphakale nyifwa wafika ku Umoyo."

²⁰⁶ "Iwo ntha wakwenera kuti waſike ku Cheruzgo?" Iwo ntha wizenge ku Cheruzgo. Amen. Iyo wakatora Cheruzgo chane. Ndirije chakuchita kula. Amen. Apo imwe muli. "Mwajumpha nyifwa mwafika ku Umoyo." O!

²⁰⁷ Sono iyo wakati iyo wakagomezga ichi. Sono, Yesu ntha wakati, "Enya, imwe mukumanya, pakuwa kuti imwe mwagomezga icho, ndipo imwe mwamanya kuti ine ndine Mazgu, ndipo—ndipo ine—ine... Imwe mwamanya kuti Ine ndine Iyo uyo wakayenera kwiza. Imwe mwazomerezga icho. Imwe mwagomezga ichi. Ine ndimuphalirenige imwe icho ise panyake tingachita. Tiyeni titore ſalara pamoza, ndipo tikhilire kusika ndipo tiwone usange ise tingachita chirichose za ichi." Yayi, yayi. Iyo wakati, "Ine ndi..." Ntha, "ndirutenge kusika ndipo ndiwone usange Ine ningamuwuska iyo." "Ine nkhuruta kukamuwuska iyo." Amen. Ntha, "Ine ndi—ine ndiyezgenge." "Ine ndichitenge." Palije chakukayikiska. Kula ntha kukawa kulira kwambura kusimikizgi, para Iyo wakati, "Ine ndichitenge. Ine ndichitenge."

²⁰⁸ Ndipo Yumoza mweneyura wakati, "Ine ndichitenge," wakamupangirani imwe phangano. Aleluya! O, mwe! Amen.

"Ine nkhuruta ndipo nakumuwuska iyo."

²⁰⁹ Kweniso Iyo wakati, "Bwangandulani tempile ili, ndipo Ine ndiwonenge icho Ine ningachita na ili"? "Imwe mubwangandule tempile ili, ndipo Ine ndiliwuskengeso ili mu mazuwa ghatatu." Palije chakukayikiska. "Sono ine ndiyezgenge. Imwe mose panyake muyimirire zingirizge ndipo muwone usange Ine ningachita ichi panji yayi"? Ah, yayi. "Ine ndiliwuskenge ili." Palije chakukayikiska. "Ine niliwuskenge ili. Imwe—imwe bwangandulani ili; Ine niliwuskenge ili." O, mwe!

²¹⁰ Chifukwa? Iyo wakamanya kuti Iyo wakawa Munthu yura, mu Malemba, uyo David wakayowoya. "Ine ntha

ndizamkuwusida uzima Wake mu gehena, nesi Ine ndizamkuzomerezga Yumoza Wane Mutuŵa kuti wawone chivundi.” Ndipo Iyo wakamanya kuti Iyo wakaŵa mu phangano lira la Malemba, mwantheura Iyo wakasimikizga.

²¹¹ Sono, kasi ise tingaŵa nacho yayi chenekocheneko? Ise tikumutora Iyo, chiyezgerero, pa vinthu vinyake. Malinga Mazgu gha Chiuta ghakayowoya ichi, kasi ise tingaŵa wakusimikizga yayi za Mazgu umo Iyo wakaŵira za ichi?

²¹² “Ine ndine chiwuka na Umoyo.” “Ine ndizamkuliwuskaso ili kamozaso.” Amen. Chifukwa? Iyo wakamanya Mazgu ghakayowoya za ichi, ndipo Iyo nadi wakasimikizga kuti waukengen.

²¹³ Usange Ine ndine munthu yura kudera kula mu Yohane 5:24, “Iyo mweneuyo wakupulika Mazgu Ghane na kugomezga pa Iyo mweneuyo wakandituma Ine, wali na Umoyo wambura kumara, ndipo Ine ndizakumuwuskaso iyo pa mazuŵa ghaumaliro. Iyo ntha wazamunjira mu Cheruzgo; wajumphya nyifwa wafika ku Umoyo.” Uyo ndi—uyu ndise. Ndipo kasi ise tikopa vichi? Kasi suzgo ntchichi?

²¹⁴ Kasi likupanga mphambano uli zina ilo imwe mwavwara? Imwe mukujichema mwaŵene *ichi*, *icho*, panji *chinyake*. Ise ndise wana ū Chiuta, mwa uchizi wa Chiuta. Kasi chikupanga mphambano uli kuti kwali yumoza *uyu* ndi *icho* panji uyo ndi *icho*, usange iyo ngwa Prezibetere, Methodist, Baptist? Usange iyo ngwakuzuzgika na Mzimu Mutuŵa, iyo wali na Umoyo wakuwuskika mwa iyo. Amen. Enya. Sono, pa Dazi la Pentekosite . . .

²¹⁵ Yesu wakaŵaphalira iwo, mwa Luka 24:49, “Wonani, Ine nkhutuma phangano.” Ntha, “Ine panyake nichitenge ichi. Ine ndiwonenge *icho* Ine nichitenge za ichi.” “Ine nditumenge phangano la Adada Wane pa imwe. Kweni rutani kumtunda kula ku msomba wa Yerusalem ndipo mukalindizge mpaka imwe mukakhözgeke na nkhongono.”

²¹⁶ Sono, uli usange iwo wakalindizgenge, kuti, o, mazuŵa sikisi, iwo wakuti, “Kasi ise tikulindizga vichi? Ine nkhugomezga ise tikwenera kuzomera ichi mwa chipulikano. Kasi imwe mukughanaghana ntheura yayi?”

²¹⁷ Uli usange Yakobe wakayowoyenge, pa a—pa dazi la nambala nayini, kuti, “Simon, zanga kuno miniti pera. Iwe ukumanya, dazi linyake ine nkhaŵa na kapulikiro kachilendo. Mukuwona? Ndipo iwe ukumanya *icho* ine nkhugomezga? Ine—ine—ine nkhugomezga kuti Iyo wakukhumba yayi kuti ise tilindizge kudera kuno. Ine nkhugomezga ise—isé tapokera kale ichi. Kasi iwe ukughanaghana ntheura yayi? Tiye tirutirire na ntchito yithu. Tiye tirutirire na utumiki withu”? O, ichi nthena chikachitika yayi.

²¹⁸ Chifukwa? Iwo wakamanya kuti muprofeti wakayowoya. Sono tegherezgani. Muprofeti wakati, “Dango likwenera kuwa pa dango, mzere ukwenera kuwa pa mzere, pa mzere; apa pachoko ndipo apo pachoko.” “Koreskani ku icho ntchiweme.” “Pakuti na milomo yachikwikwi na malilime ghanyake Ine niyowoyenge ku wantru awa. Ndipo uku ndi kupumula, chipumulo.” Iwo wakamanya chinyake chikayenera kuti chichitike para Uwu wafika.

²¹⁹ “Ine ndizamkupungulira Mzimu Wane mu nyengo yaumaliro.” Joel 2:28, “Kuzamuchitika mu mazuwa ghaumaliro, wakuti Chiuta, Ine ndizamkupungulira Mzimu Wane pa wantru wose, ndipo wana winu wanarumi na wana winu wanakazi wazamuchima. Pa wantchito Wane wanarumi na wantchito wanakazi Ine ndizamkupungulira Mzimu Wane, mu dazi lira. Ine ndizamuwoneska vimanyikwiro kuchanya nkhanira na-na mu charu chapasi, na moto, na josi, na mvuchi.”

²²⁰ Iwo wakamanya kuti pakayenera kuti pawé chakuwachitikira chinyake kurondezganga kwiza kula kwa Mzimu Mutuwa. Iwo ntha wakatoranga kulira kwambura kusimikizgika. Kweni para iwo wakati wapulika kuti chinthu chinyake chikwenda, ndipo wakawona ukaboni wa Baibolo ukwenda na ichi, iwo wakawavye kukayika. Nkhanira kuwaro mu misewu iwo wakaruta. Mundigowokere ine. O, mwe! Iwo wakasimikizga kuti uwu uka wa Mzimu Mutuwa.

²²¹ Imwe mukumanya kusimikizga umo iwo wakawira? Mpaka, Petros, munthu muchoko yura wambura kusambira, wakadukira pa chisinga panji kabokosi, panji pamalo ghanyake, wakati, “Imwe madoda gha Yudeya,” nganga yichoko wayifumiskira pawaro ngati tambala mukali. Iyo wakati, “Imwe madoda gha Yudeya, imwe mwa weneimwe mukukhala mu Yerusalem! Ine nachitanga wofi na imwe, kanyengo kajumphra; Ine nkuchita yayi, sono. Rekani ichi chimanyikwe kwa imwe, ndipo tegherezgani ku mazgu ghane. Awa walowera yayi ngati ndiumo imwe mukughaghanira kuti ndimo kuliri. Kweni ichi ndi Chira.” “Ise tikugomezga ichi ndi Chira”? “Ise tikugomezga ichi ndi Chira”? Iyo wakati, “Ichi ndi Chira icho chikayowoyeka na muprofeti Joel.” Aleluya! Palije chakukayikiska za ichi. “Ichi ndi Chira icho chikayowoyeka na muprofeti Joel.” O, mwe!

²²² Yesu wakayowoya, mu Marko 16, wakatuma Mpingo Wake, “Rutani mu charu chose, mukapharazge Ivangeli.” “Vimanyikwiro ivi panyake vikwenera kuti; iwo wachitenge, kamoza mu kanyengo, panyake”? “Ivi viwarondezgenge iwo weneawo wakugomezga. Vimanyikwiro ivi viwarondezgenge iwo weneawo wakugomezga. Mu Zina Lane iwo wafumiskenge viwanda. Iwo wayowoyenge malilime ghaphya. Usange iwo wakorenge njoka panji kumwa chinthu chakukoma, ichi chiwapwetekenge yayi iwo. Usange iwo wa wi ka mawoko ghawo pa warwari, iwo wachirenge.” Ntha, “Panyake.”

"Iwo wachitenge. Vimanyikwiwo ivi vizamkuwarondezga iwo weneawo wakugomezga."

²²³ Rekani ine ndimalizge ichi, mu kuyowoya ichi, m'bale, mlongosi, pa maminiti ghachoko ghakwiza. Ine nkhugomezga ichi. Ine nkhugomezga kuti chinyake chirichose, chirichose icho ntchakususkana na Icho, chiri makora yayi. Ine nkhugomezga, chirichose icho chikususkana na Icho chiti chiwenge. Ine nkhugomezga, ine nkupwerera yayi kwali mbalinga wachikounisiti, panji kasi mbalinga wa visambizgo *ivi* na chisambizgo *icho*, na vyatchalitchi na vyaChiroma, na vinyake vyose, vya chiAmerica na chinyake chirichose viti vimarenge.

²²⁴ Kweni Mazgu ghara ghayimenge Muyirayira, chifukwa Igho ndi Mazgu. Ndipo pambere ghandaŵe Mazgu, ili likwenera kuŵa ghanoghano. Ndipo lizgu ndi ghanoghano lakuyowoyeka. Ndipo Chiuta, mu Umuyaya, ichi chikiza mu malingaliro Ghake. Iyo wakawoneskera maghanoghano Ghake. Ili likazgoka Mazgu, ndipo Mazgu ghakwenera kuti ghawonekere.

²²⁵ Ndicho chifukwa, para Iyo wakati wayowoya za Mesiya, pakayenera kuti Mesiya wafike. Iyo wakayowoya kuti kuzamkuŵa Mpingo mu mazuŵa ghaumaliro, wambura bangaa panji khwinya pa uwu; uzamkuŵako Mpingo kula. Aleluya! Iyo wakayowoya ichi. Ine nkhutora Mazgu Ghake. Ine nkhugomezga ichi.

²²⁶ Ine nkhugomezga kuti Iyo wakalayizga Mzimu Mutuŵa kwa wakugomezga waliyose uyo wagomezgenge. Ine nkhugomezga Petros, pa Dazi la Pentekosite, para iyo wakapharazga uthenga wakuchindikika ula, ndipo wakaŵaphalira iwo wose kuti warape na kubapatizika, kuti vimanyikwiwo ivi vitizenge, na *ichi*. "Uyo yose wakachema pa Zina la Fumu wati waponoskekenge." Ine nkhugomezga uwo ndi Unenesko; nkhayimilira pa ichi. Ine ndiri kuchiwona ichi chikuwonekera.

²²⁷ Ine nkhumanya nkhurwira pa ichi. Ndipo ine nkhumanya kuti nkhuvezga kupanga stepu ya rundi. Pambere ine nindapange stepu ya rundi, ine nkhuenera kuti nidumure mutataŵa uliwose, mkolankhangwa wakubiriŵira, chinyake chirichose, kuti nifumiskepo ichi pa nthowa. Kweni nyengo yiriyose para imwe mukupanga stepu, imwe mukurazga kunthazi. Amen. Torani waka chimayi ndipo dumurani ichi.

²²⁸ Wanandi wa imwe mukumukumbukira Paul Rader, mubwezi muweme chomene. Ine nkhaŵa waka mupharazgi mnyamata, mwanichi. Ine nkhatemwanga kuruta ku Fort Wayne, kutegherezga kwa iyo, pa Rediger Tabernacle. Munthu mukuru chomene! Iyo wakamanyanga kugenukira kumanyuma, kukwezga buluku lake muchanya, kukwezga woko lake muchanya na kuwuruma ngati nkharamira, ndipo ine nkhaghanaghana kuti iyo wadukenge kuwenuka pa gome. Para iyo... Ndipo iyo wakayambanga na mutu, enya, mu Genesis,

na kumalizgira mu Chivumbuzi, kose kumanyuma na kunthazi. Paul wakaŵa mwanarumi wakukwana.

²²⁹ Nkhayowoyanga dazi limoza, iyo wakati, “Ine nkhatemwanga kuwiska makuni mu Oregon,” uko iyo wakafumira. Wakati, “Dazi limoza, imwe mukumanya,” iyo wakati, “Ine—ine nkhaŵa waka ku malo ghakutumikira, kutali kumalo kunyake.” Ine naruwa sono kasi kukaŵa nkhu. Ndipo iyo wakachitanga ntchito ya wamishonare.

²³⁰ Iyo wakagomezga mwa Chiuta, wakagomezga mu machirisko Ghauzimu. Ndipo Paul wakayowoya, nkhanira pano apo mpingo ukuyima muhanyauno, iyo wakati, “Usange ine nkaguriskenge uthenga wane wa uchizi ku ūa chiPentekosite ūakugolera moto, m’malo mwakuchita icho ine nachita kuno na gulu la imwe,” wakati, “ndipo najipangiska ndamwene kudandaula, nkachemeka ku malo wali na ngongole ya madola masauzandi kwandaniska masauzandi. Ine ndiri kujipweteka ndamwene mpaka ine nkharwara kansa, ndipo nkufhwa sono. Usange ine nkaguriskenge uthenga wane wa uchizi ku ūa chiPentekosite ūakugolera moto, Chiuta nthena wakanditumbika chomene ine paichi.” Mbunenesko.

²³¹ Iyo wakati iyo wakaŵa kusika kula mu—mu mapopa, ndipo iyo wakapulika kufunda muthupi panji chinyake. Ichi chikawâ chakofya. Ndipo iyo wakaŵa kutali mu mapopa, ndipo wakugomezga wakukhazikika mu machirisko Ghauzimu. Ndipo iyo wakati iyo wakarwara na kurwara. Iyo wakaromba, wakaromba. Ndipo wamishonare ūanyake ūakati iwo ūatorenge waka boti na kuruta kukamutora dokotala. Chifukwa, ichi mbwenu chiwatorerenge mazuŵa kuti ūakamusange dokotala. Ndipo iyo wakati, “Ine—ine... Kuchita icho yayi. Chirekeni waka ichi.” Wakati, “Usange Chiuta wanichizgenge yayi ine, mbwenu ine nkhiruta Kukaya.”

²³² Ntheura iyo wakati muwoli wake wakakhala mu chipinda pamoza na iyo. Uku kukarutirira kuchitanga mdima na mdima. Ndipo wakati iyo wakamuchema muwoli wake, wakati, “Wakutemweka, korako woko lane.” Wakati, “Rutirira waka kuniromberanga ine. Kukurutirira kuchitanga mdima sono.” Wakati, “Ine—ine nkugomezga mizgezge yikuwa pa ine.” Iyo wakati, “Korako... Kora waka woko lane ndipo pemphera, apo ine nkhiruta.” Iyo wakajikhözga iyomwene, kuti wakumane na Chiuta.

²³³ Iyo wakaŵa ngati wanjira waka mu mboniwoni. Ndipo iyo wakati iyo wakalota kuti iyo wakaŵa kuti wawerero uku mu Oregon, ngati mynamata mwanichi, wakucheka mathabwa. Ndipo wakati bwana wa pa msasa wakati, “Paul, ruta kunena uku ku chigawâ chinyake cha phiri, ndipo ukawiske khuni linyake, likuru mwakutu.”

²³⁴ Iyo wakati iyo wakachimbira kukwera phiri na marundi ghake gha uchinyamata, ndipo wakawiska khuni, ndipo wakaphata ili, wakawika mbavi pasi. Iyo wakati umo payini wakufewa yura, yakuthwa yake, yikuru, mbavi yake yakuthwa chomene yikanjira mu payini makora chomene. Ndipo wakati iyo wakakoreska ili, wakaghanaghana, “Enya, ine ndinyamurenge kukhira waka nalo phiri.”

²³⁵ Muweme, mwanarumi wankhongono, wakati, “Ine nkhatemwanga kujisambizga umo ningawíkira makongono ghane pamoza, na kunyamura ichi na msana wane, chigáwa chikuru chomene cha munthu.” Minofu yake yikaŵa mu msana wake na m’mapewa, kumanyuma kwa marundi ghake. Wakati, “Ine nkhamanyanga kunyamura chigodo chikuru,” kuchiŵika ichi pa phewa lake, wakaruta. Kweni wakati, “Chira chikáwa waka chigodo wamba, kweni,” wakati, “Ine mbwenu...” [M’bale Branham wakhwaska mayikurofoni—Munozgi] (Phepani.) Wakati, “Ine mwakuphweka nkhatondeka kuchisuntha chigodo chira.” (Phepani.)

²³⁶ Iyo wakati, “Ine nkhatondeka kuchisuntha chigodo chira.” Iyo wakati, “Ine nkakankha, ndipo ine nkakankha ndipo ine nkhayezga kunyamura ichi, ndipo ine nkhatondeka kuchita ichi.” Iyo wakati, “Ine nkafumiska nkongono zane zose mwa ine.” Iyo wakati, “Ine nkhatondeka kuchisuntha chigodo chira.” Ndipo wakati, “Paumaliro, ine nkafoka chomene, ine nkakhala waka pasi kuyegamira ku khuni ndipo nkayamba kufyura thukuta. Ine nkavuka waka chomene.”

²³⁷ Ndipo wakati, “Pakati pajumpha kanyengo, ine nkhapulika lizgu la bwana wane.” Kweni wakati, “Likáwa lizgu lakunowa chomene ilo ine nkhapulikapo.” Ndipo wakati, “Para ine nkhati ndang’anamuka, lizgu likati kwa ine, ‘Paul.’ Ndipo ine nkhati, ‘Enya, bwana, kasi ndi vichi?’ Wakati, ‘Kasi iwe ukakankhirachi pa ichi?’” Iyo wakati, “Enya, imwe mwangunilangura ine kuti ndize nacho ku msasa, ndipo ine najivuska waka ndamwene, na ichi. Ine mbwenu—ine ningachita yayi ichi, bwana.’ Iyo wakati, ‘Paul, kasi iwe ukuuwona yayi mronga ula wa maji ukukhirira nkhanira kula?’ Wakati, ‘Enya.’ Wakati, ‘Mronga ula ukukhirira nkhanira ku msasa. Uli iwe uchiponye waka ichi mu maji, dukirapo pa ichi ndipo kwera pa ichi kukhilira ku msasa?’ Wakati, ‘Ine nkaghaganaghanapo yayi za icho.’”

²³⁸ Ntheura iyo wakachigudubuzgira waka ichi mu maji, wakadukirapo pa ichi, wakati, “O, mwe!” Iyo wakayamba kuhavula maji, na kudukanga, na kuchemerezganga, pachanya pa mazgu ghake, apo iyo wakawénukanga majigha, ndipo kuhira mu maji, chirichose, wakwera pa chigodo ichi, kuruta kukhiranga kusika, kuchemerezganga, “Ine nakwera pa ichi! Nakwera pa ichi!”

²³⁹ Iyo wakayowoya, chinthu chakudankha, iyo wakajighanaghana iyomwene, iyo wakawâ nkhanira pakatikati pa balaza, ndipo muwoli wake kuchemerezga pamoza na iyo. Iyo wakamanyanga kuchemerezga, “Ine nakwera pa ichi! Ìne nakwera pa ichi! Ine nakwera pa ichi!” Wâbale!

Vyaru vikuphwasuka, Israel wawuka,
 Vimanyikwiro ivyo Baibolo likayowoyerathu;
 Mazuwa gha wâMitundu ghawerengeka, na
 masuzgo ghawânyekezga;
 “Wererani, O wâkumbininika, ku kwinu.”

²⁴⁰ Uthenga uwu wa Mazgu gha Chiuta ndi Unenesko. Kukhala umoyo panji kufwa, ine nakwera pa Uwu. Ine ntha... Ine nkukangana nawo yayi Uwu. Ine ntha nkuyezga kukangana na Uwu. Ine nkhuwutora waka Uwu, ndipo ine nakwera pa Uwu. Rekani wâkususka wâfike. Ine ndiphuliskenge futi yiriyose. Ine nkhwiza mu msasa, limoza la mazuwa agha, nakwera pa Mazgu gha Chiuta. Amen. Ine ndasimikizga kuti namufika kula.

Tiyeni tirombe.

²⁴¹ Ntchifukwa uli imwe musuzgikenge na katundu winu wa kwananga? Ntchifukwa uli iwe uâwenge mu kaâwirosi aka iwe ulimo, ukumanya yayi apo iwe wayimirira, kuchimbira kufuma mpingo kuruta ku mpingo, ndipo kufuma ku malo kuruta ku malo? Uli iwe uponye waka ichi, pa mphinjika, usiku uwu, ndipo ukwere pa Mazgu? Uli iwe utore waka phangano la Chiuta usiku uwu ndipo ukwereco ufumemo mu unyakasi,unjire mu wabluu ukuru, wakujurika ngati ntheura? Reka kusuzgikla na Ichi. Kwenjerwa yayi na Ichi. Gomezga waka Ichi, zomera Ichi. Ndi Ufumu uwo ungasunthika yayi. Kwera pa Uwu.

²⁴² Usange imwe mwarwara usiku uwu, torani phangano la Chiuta, “Ine ndine Yehova uyo wakuchizga matenda ghako ghose.”

²⁴³ “Kasi ine nichirenge uli, M’bale Branham? Dokotala wakuti ine ndiri na suzgo la mtima, ine ndiri na kansa, ine ndiri na *ichi, icho*,” kwali ichi ntchivichi, “Ine ndine wakumang’wa makutu, mbuwu. Ine ndine wachiburumutira,” chirichose. Kasi icho chikupanga mphambano uli? Zomera waka phangano la Chiuta ndipo kwera pa ichi.

²⁴⁴ Tiyeni titore chipitika cha khuni chikuru chomene, ndipo tikhoma ichi pasi apa, ndipo tilembe pachanya pa ichi, “Luombo la chipulikano laperekeka usiku uwu; ine ndikwerengepo pa ichi. Baibolo likati, ‘Luombo la chipulikano liponoskenge murwari, ndipo Chiuta wamuwuskenge iyo. Usange iyo wachita kwananga, uku kugowokerekeng kwa iyo.’ Ine nakwera pa ichi. Ine nkugomezga ichi.”

²⁴⁵ Usange imwe mwanangiska, usange imwe ndimwe wambura kukhazikika usiku uwu, “Iyo mweneuyo wakubenerera kwananga kwake wati watukukengye yayi. Kweni iyo mweneuyo

wavumburenge kwananga kwake wati wachitikirikenge lusungu.” Mukulekerachi kuvumbura ichi?

“Enya, kasi ine ndichite vichi, M’bale Branham?”

²⁴⁶ Vumbura ichi, ndipo pamanyuma kwera pa ichi. Chiuta wakayowoya ntheura. Ichi chikutorerenge iwe nkhanira kutali na kwananga kwako.

²⁴⁷ Kasi munthu uyo wali muno usiku uwu, awo ntha wali kuŵika chigomezgo chawo cheneko mwa Chiuta ku chiponosko cha uzima wako, ndipo iwe ukukhumba kuti ukumbukirike mu kuromba apo ise tikujara? Uli iwe ukwezge waka woko lako, yowoya, “Mndirombere ine, M’bale Branham. Ine nkukhumba kuti ndireke vichitochito vyane.” Chiuta wakutumbike iwe. Chiuta wakutumbike iwe. “Ine nkukhumba kuti ndivireke . . .” Chiuta wakutumbike iwe, mama. “Ine nkukhumba kuti ndivireke vichitochito vyane.” Chiuta wakutumbike iwe, m’bale. Chiuta wakutumbike iwe kumanyuma uko, bwana. Chiuta wakutumbike iwe, dona muchoko. Viri makora. Uwo mbunenesko. Chiuta wakutumbike iwe. “Ine nkukhumba kuti ndiŵike vichitochito vyane pa Iyo na kukwera waka pa phangano Lake sono. Ine nkugomezga kuti Iyo wakalayizga, ‘Iyo mweneuyo wizenge kwa Ine, Ine munthowa yiriyose ndimutayenge yayi iyo.’”

²⁴⁸ “Ntha umo ine nkupulikira, ‘Ine nkhapempherereka usiku wamara, M’bale Branham; ine ntha nkupulika makora.’” Icho ntha chiru na chinthu chimoza chakuchita na ichi. Ine ntha nkhwenda pa kapulikiro kane. Ine nkhwenda pa Mazgu Ghake. Ili ndi phangano Lake.

²⁴⁹ “M’bale Branham, ine ndiri kurutako ku guwa, kanayi panji kankhonde, kuyezga kuti ndipokere Mzimu Mutuŵa. Ine nkhapokera yayi Uwu.”

²⁵⁰ Icho ntha chikung’anamura chinthu chimoza. Khala waka nkhanira pa chigodo, ichi chikutorerenge iwe nkhanira kusika ku msasa, mu msasa wa Wakwamba kubabika, mu msasa wa ūtuŵa. Imwe mwamufika kula. Khala waka pa chigodo chako, ndipo chemerezga na kuchemerezga marumbo gha Chiuta mwankhongono waka umo iwe ungachitira. Umo ndimo iwe ungachitira ichi.

²⁵¹ Apo ise tiri na mitu yithu yakusindama, kasi imwe mukukhumba nadi kuti mukwere pa ichi? Ntheura, chinthu chichoko chira icho chikugunda pa mtima winu, kasi imwe mukukhumba kuti mwize kuno na kuyimirira panthazi pa guwa miniti pera na kutizomerezga ise tirombe na kuŵika mawoko pa imwe? Ise tiŵenge ūakukondwa kuti imwe mufike.

²⁵² Tiyen titore chinyake chichoko icho chaŵikika pa mtima winu usiku uwu, ndipo yowoyani, “Iwe ukumanya, iwe wananga. Sono kwezga muchanya woko lako.” Viri makora.

²⁵³ Iwe ukakwera pa chigodo, chigodo cha phangano Lake; khuni, mphinjika iyo yikadumulika. Wika mawoko ghako pa mphinjika iyi sono. Zanga nkhanira kumtunda uku ndipo yowoya, “Sono ine ndikwerenge pa iyi. Sono nthena ine ndigomezgenge ichi. Ine ndizomerenge ichi. Ine nkugomezga ichi. Ine ntha ndisinthenge. Ine ndikhallenge nkhanira na Mazgu ghara, mpaka limoza lira likhozgeke. Ndipo ntheura para limoza ilo lakhozgeka, ine nitambasurenge ndipo nitorenge linyake, na kuyamba kukwera pa ili.” Mukuwona?

²⁵⁴ Ndipo lizgu pa lizgu, stepu pa stepu, iwe upokerenge chirichose icho Chiuta wakakulayizga iwe. “Pakuti vinthu vyose ndi vyamachitiko,” kwa iyo uyo wakwerenge pa ichi. Kwera pa phangano Lake, pakuti ndakusimikizgika kuti lamkukufiska iwe ku msasa. Ili likutorerenge iwe ku Kuŵapo kwa Chiuta.

²⁵⁵ Kasi iwe wizenge sono apo ise tiri na mitu yithu yakusindama? Ndipo nkufumba waliyose uyo wakhumbenge kuti wayimirire pa guwa, pa kanyengo waka ka lurombo.

²⁵⁶ “Ine nakwera pa ichi, Fumu. Fumu, ine nkugomezga. Nkhayiko zane zose zawundika mu mbwiwi. Fumu, ine nkhwiza. Ine nkugomezga ichi. Ine nkukwera nkhanira pa Mazgu usiku uwu, ndipo ine ndigomezgenge ichi na mtima wane wose. Ine nkhumutorani Imwe pa Mazgu Ghinu.”

²⁵⁷ Mwanakazi yumoza wakutemweka wayimilira apa pa guwa, kuti—kuti wakhozgere kwa Chiuta kuti iyo wakang'anamura kusimikizga. Kasi imwe mufikenge yayi, imwe mwaŵeneimwe mwasindamiska mitu yinu, ndipo mawoko ghinu ghali muchanya, ndipo mwakhumbanga kuti mukumbukirike mu lurombo? Uli imwe mwize waka kumtunda kuno? Chiuta wakutumbike iwe. Zanga waka. Ndicho ichi. Zanga nkhanira ndipo yimilira apa. Yowoya, “Ine ndikwerenge pa ichi. Chiuta, Imwe mukapanga phangano, chinyake chikakhung’uska pa mtima wane, ndipo ine nkhwiza sono nthena kuti ndikwere pa icho. Ndipo ine ndikhallenge nkhanira pa ichi mpaka ichi chinditorere ine nkhanira ku msasa. Ine nkhwiza nkhanira ku msasa wa ūatuwa ūa Chikurukuru Nkhanira.” Chiuta wamutumbikani imwe. Icho ntchiweme. Zaninge sono nthena, imwe mwaŵeneimwe mukukhumba kuti mukwere pa ichi. Umo imwe muliri, “Umo ine ndiliri, kwambura kuwéyea kumoza.”

²⁵⁸ Kumbukirani. Imwe mukuti, “Kasi ilo ndi khuni?” Enya. Kukaŵa khuni likadumulika, nyengo yimoza, ndipo ili likawíkika pa Mphinjika kamozaso. Dukirani waka pa khuni lira usiku uwu, na mapangano gha Chiuta, Mazgu agho ghakalenderanga pa khuni.

²⁵⁹ Ine nakwera pa ili. Ine ndigomezgenge ichi, na mtima wane wose. Ine nkukhumba kuti ndichite pakuru ngati nkhwiza kuno na kukorako chasa ku ūabale ūane.

²⁶⁰ Chiuta wamutumbikani imwe, chifukwa cha kuyima kwinu kwa chikanga. Ine nkukhumba kuti imwe mukhale pano, kanyengo waka, apo ise tikuromba. Chiuta wakutumbike iwe, m'bale wane. Mlongosi wane wakutemweka, Chiuta wakutumbike iwe. Fumu Yesu...?...Chiuta wakutumbike iwe, m'bale wane. Chiuta wakutumbike iwe, mlongosi. "Mundirongozge ine." Wamurongozgeni imwe kwambuka mronga.

²⁶¹ Kumbukirani, ngati muteweti wa Khristu, ine ndamkuzgora pa kupharazgika kwa Mazgu. Ine ndamuzgora pa ukaboni wane. Ndipo kasi ine niyimilire pano usiku uwu...

²⁶² Ndipo mwamarumi wa virimika fifite-fayivi vyakubabika, panji virimika fifite-firii vyakubabika, waŵenge fifite-foru mu Epuleru, na kuyimilira pano na kumanya kuti, nanga ndi mboniwoni yaumaliro iyi, agha panyake ghangaŵa mazuŵa ghane ghachoko ghaumaliro pa charu chapasi. Ine—ine panyake nimulekeninge imwe mu mazuŵa ghachoko. Ine nkhumanya yayi icho ichi chikung'anamura. Tegherezgani waka ku tepi ndipo pangani chigamuro chinu. Ine nkhumanya yayi kasi ichi chikung'anamura vichi. Kasi ine niyimilire pano, na kugomezganga mwahafu kuti panyake ghangaŵa mauthenga ghane ghaumaliro agho ine nkupharazga, ndiri nkhanira muno mu Phoenix, na kuyowoya chinyake icho chikawâa chakwanangika, ndipo kumanya kuti uko nkhiruta kwagona nkhanira uko, ndipo ine ndizamuyeruzgika na mazgu ghane?

²⁶³ Wabale ūane, rekani ine ndiyowoye ichi kwa imwe, na ūalongosi ūane. Imwe muli kuŵamo mu maungano. Imwe mukumanya kasi, kusanda na vinthu. Kasi ine ndiri kuyowoyapo chinyake kwa imwe, mu Zina la Fumu, kweni icho chikakwaniriskika? Ine ndifumbenge waliyose. Yayi, bwana. Charu zingirizge, na masauzandi gha mboniwoni, ntha chiru kuŵako. Ndipo ine nkhumuphalirani unenesko usiku uwu, Ndopa za Yesu Khristu ndi zinandi mwakukwanira kuti zingachapa uheni uliwose, ndipo ichi chingamanya kuchitika.

Kuli Mbwiwi yakuzura na Ndopa, (Ndipo imwe mwayimirira pa Iyi sono.)

Kufuma ku misempha ya Emmanuel, (Chinthu chimoza pera chakusimikizgika icho chikakhalako pa charu chapasi.)

Uko ūakwananga ūakunjira kusi kwa chiziŵa,

Wakutaya kwananga kwawo kose.

²⁶⁴ Ine nifumbenge ūapharazgi aŵa sono, na ūabale, usange imwe mungiza kuno pakati pa ūanthu aŵa. Kwali ndinjani... Kasi ndiumo, iwe ukuŵachemera ūapharazgi kuti ūarombe pamoa na ūanthu? Ūapharazgi wose muno, ntheura, awo ūakukhumba, mbakukondwereskeka kuwona mauzima

ghakuponoskeka, zaninge kuno ndipo yimilirani ngati gulu lakupempherera, uko ise tingamanya kumangilirana taŵene pamozza, kufumako ku chirichose, na kujipatura taŵene. Aŵa ndi wānarumi na wānakazi awo wākudidimizga ulendo wawo, usiku uwu, na Ndopa za Yesu Khristu, kumutoranga Iyo pa Mazgu Ghake, kukweranga nkhanira kunjira mu Kuŵapo Kwake, pa Mazgu Ghake, na kuti, “Ine ndiri pano, Fumu. Ine ndirije chakuti nipereke kweni ndamwene, ndipo munditore ine.” Kasi imwe mwizenge na kuyima na iwo, usange imwe mungachita? Waliyose uyo wangakhumba kuchita, wafike na kuyima. Chiuta wamutumbikani imwe, wābale wāne. Icho ntchiweme chomene. Ine nkhetemwa kuwona wānthu awo mbachikanga, awo mbakukondweskeka mu mauzima. Ine nkhushachizga, wābale wāne, icho ntchiweme. Fikani nkhanira kuno. Icho ntchiweme. Yimilirani kufupi. Tiyeni waka sono. . .

²⁶⁵ Usange wapiyano wangayamba kwimba, usange iyo wangachita, tiyeni tiyimbe sumu iyi, makora sono, mwamahara, mwantchindi.

²⁶⁶ Ise tikwiza ntha ku chidokoni chinyake. Ise ntha tikwiza ku chinyake icho ndi waka a—a—chigomezgo chakuchita kupanga. Kweni ise tikwiza mu Kuŵapo kwa Chiuta, Yehova Chiuta wankhonganozose, Uyo wali kulayizga, kuti, “Palipose wāwiri panji wātatu wāwungana mu Zina Lane, penepapo Ine ndiri pakati pavo.” Yowoyani kwa Iyo ngati ndiumo iwe ukachitira kwa mubwezi wako, kuti, “Fumu, phepani. Ine ndananga.” Ndipo ise tiyimbenge.

Kuli Mbwiwi iyo njakuzuzgika na Ndopa,
Kufuma ku misempha ya Emmanuel,
Uko wākwananga wākunjira kusi kwa
Chiziŵa,
Wakutaya kwananga kwawo kose.

Wakuba yura wakufwa wakasekerera kuwona
Mbwiwi yira mu nyengo yake;
Kula panyake ine, nangauli muheni ngati iyo,
Chapani kwananga kwane kose.

Kufuma kale mwa chipulikano nkhawuwona
Mronga ula
Vilonda vyinu vyakutchucha vikupereka,
Chitemwa cha uwombozi chiri kuŵa
chakulinga chane,
Ndipo chizamkuŵa mpaka ine ndifwe.

²⁶⁷ Khalani waka nkhanira wāntchindi sono. Imwe ndimwe kanthu yayi. Palije wa ise ndi kanthu. Ndipo mwakufikapo waka sono, na mitima yinu yose, sindamiskani waka mitima yinu na mitu, kulikose, mu nyumba.

²⁶⁸ Wadada wāthu Wakuchanya, ine nkhumanya kuti Mazgu Ghinu nganeneska chomene. Igho ghangatondeka yayi. Igho

ndi Mazgu gha Chiuta. Igho ndi Chiuta. Ndipo Imwe mukati, “Iyo mweneuyo wakwiza kwa Ine, Ine munthowa yiriyose ndimutayenge yayi.” Ndipo wānarumi na wānakazi aŵa, pasi pa kususkika, kumanyanga kuti iwo wāli makora yayi, iwo wāfika kunthazi, usiku uwu, Fumu, kuti wāzomerezge kuti iwo mbakwananga, kumanyanga kuti iwo wātukuzgika na kukhwaskika kwa mkati uko—uko kwaŵachema iwo kuti wāfike ku Mbwiwi. Ndipo iwo wāyimilira apa, na mitu na mitima yawo yakusindama, kuti wāmwe kufuma ku Maji gha Umoyo, kwaulere, agho ghakalayizgika na Chiuta. Wāpokerereni iwo, Wādada, mu Ufumu Winu. Iwo Mbinu.

²⁶⁹ Imwe mukati, “Kulije munthu wangiza kwa Ine pekhapekha Wādada Wāne wāmucheeme dankha iyo. Ndipo wose awo Wādada wāndipa Ine wīzenge kwa Ine.” Ndipo ichi chikuwoneska kuti Chiuta waperekā aŵa kwa Khristu, kuŵa chawanangwa cha chitemwa. Ndipo iwo wāyimilira apa, Fumu. “Kulije munthu wāngāwapoka iwo kufuma mu woko Lane.” Ndipo ine nkuromba, Chiuta, kuti Imwe muwāvikilirenge iwo usiku uwu, apo iwo wāyimirira apa, ndipo muwāpe ubapatizo wa Mzimu Mutuŵa apo iwo wāli pano pa guwa.

²⁷⁰ Nkuromba nkhongono yikuru ya Khristu yizure chomene mu maumoyo ghawo sono! Iwo wāvumbura kwananga kwawo. Iwo wāfika kunthazi. Imwe mukati, “Iyo mweneuyo wanizomerenge Ine panthazi pa wānthu, mweneuyo Ine nimuzomerenge panthazi pa Wādada Wāne na Wāngelo wātuŵa.” Ise tikumanya mlimo uwo kuti wachitika.

²⁷¹ Sono, Fumu, wādidimizgeni iwo mu Ufumu wa phangano, la Mzimu Mutuŵa. Perekani ichi, Fumu. Pungulirani Mzimu Winu pa iwo, ndipo wāzuzgeni iwo na Mzimu wa Chiuta wamoyo, mwakuti iwo wāngamanya kuŵa maukaboni ghamoyo mazuŵa ghose gha maumoyo ghawo, ku Ufumu wa Chiuta.

²⁷² Sono rekani gulu liyimirire. Waliyose mu kuromba sono. Ise tirombe kuti aŵa . . .

²⁷³ Sono, waliyose wa imwe uyo wafika kuno usiku uwu, kuwonanga kuti imwe mukaŵa na kwananga pa mtima winu, sono kulije chakuti imwe mungachita kweni kugomezga icho. Mutuŵa . . . Imwe mukuzomera *Ichi* mwa chipulikano. Ichi ndi chipulikano, kuti imwe mwazomera. Yesu wakati, “Kulije munthu wangiza kwa Ine pekhapekha Wādada Wāne wāmucheeme dankha iyo. Ndipo wose awo wākwiza kwa Ine,” Iyo wāpokerenge ichi. Iyo wangachita chinthu chinyake yayi, chifukwa Iyo wakalayizga ichi. Mukuwona? Rekani kuyegamira pa kunyereneska sono. Yegamirani pa Mazgu Ghake. Mukuwona? Mazgu ghakayowoya ntēura.

²⁷⁴ “Iyo mweneuyo wakupulika Mazgu Ghane na kugomezga pa Iyo mweneuyo wakandituma Ine, wali,” nyengo yasono, “Umoyo wambura kumara, ndipo wazamkwiza ku Cheruzgo yayi, kweni

wajumphwa nyifwa wafika ku Umoyo.” Mzimu Mutuŵa ndi chakumuchitikirani chakuti mwazuzgika ndipo mwawwarikika na nkhongono ya ku uteŵeti. Kweni kurapa na kumupokera Khristu ndi kuŵa na chipulikano na kuvumbura kwinu, na kuŵa wakumasuka kuti Chiuta wamugowokerani zakwananga zinu.

²⁷⁵ Ndipo pa lufura la Mazgu Ghake, Iyo wakati, “Kulije munthu wangiza pekhapekha Wadada Wane wamucheme dankha iyo.” Mukuwona? Sono, Chiuta wakamuchemani imwe, chakudankha. “Ndipo iyo mweneuyo wizenge kwa Ine, Ine munthowa yiriyose ndimutayenge yayi iyo.” Mukuwona? Mukuwona? Imwe—imwe mwapokera ichi. Chinthu chimoza pera, imwe muli . . .

²⁷⁶ Iyo—Iyo wakafwira imwe. Zakwananga zinu zikagowokereka, virimika nayintini handiredi vyajumphwa. Imwe mukwiza waka sono kuti muzomere icho Iyo wakamuchitirani imwe. Mukuwona? Ndipo kasi imwe mukugomezga kuti Iyo wakafwira zakwananga zinu? Kasi imwe mumuzomerenge Iyo ngati chakuphepeskera chinu? Mu mazgu ghanyake, imwe mukumuzomera Iyo, umo Iyo wakatorera zakwananga zinu.

²⁷⁷ Kasi iwe ukondwenge na kumuwonga Iyo chifukwa cha kufumiskapo zakwananga zako? Iwe ukugomezga Iyo wakachita ichi? Ntheura kwezga waka woko lako, yowoya, “Ine nkhugomezga kuti Iyo wakutora kwananga kwane,” amen, “wakutora kwananga kwane.” Viri makora.

²⁷⁸ Sono, imwe sono ndimwe kandideti wa ubapatizo wa Mzimu Mutuŵa.

²⁷⁹ Usange imwe mundapokere ubapatizo wa Chikhristu, yumoza wa wānarumi āŵa muno wachitenge icho, kuti imwe mupokere ubapatizo wa Chikhristu.

²⁸⁰ Kweni sono, “Apo Petros wakâŵa wachali kuyowoya mazgu agha,” pambere iwo wâkâŵa wândabapatizike, “apo Petros wakâŵa wachali kuyowoya mazgu agha, Mzimu Mutuŵa wakiza pa iwo.” Chifukwa? Iwo wose wâkâŵa pasi pa kukhazga. Sono imwe muli pasi pa kukhazga. Imwe mukukhumba Chinyake sono icho—icho chimudidimizgiringe imwe mu Ufumu wa Chiuta, Chinyake icho chiwenge chakufikapo kwa imwe. Imwe mukukhumba kuti mu . . . Kasi imwe mukukhumba yayi kuti mupokere Mzimu Mutuŵa, waliyose wa imwe? Imwe mukukhumba yayi Uwu? Nadi, imwe mukukhumba. Iyo ndi nkhongono yinu ya kumusungani. Mukuwona?

Iwo wâkawungana mu chipinda cha
muchanya,
Kurombanga mu Zina Lake, a . . .
Wâkabapatizika na Mzimu Mutuŵa,
Ndipo nkhongono ya uteŵeti yikiza.

²⁸¹ Mukuwona? O, icho ndicho imwe mukukhumba sono. Ndipo imwe mungamanya kuwa nacho ichi, sono nthena. Ichi ntcha imwe, sono nthena.

²⁸² Sono, wabale, yimilirani. Tiyeni, waliyose sono, ndipo tiwike mawoko ghithu pa wabale awa, ndipo tirombe kuti iwo wapokere Mzimu Mutuwa. Fikani nkhanira, wabale. Fikani.

²⁸³ Sono, gulu lose, kvezgani muchanya mawoko ghinu sono, waliyose! . . . ? . . .

²⁸⁴ Wadada withu Wakuchanya, mu Zina la Fumu Yesu Khristu, zuzgani mtima uliwose muno na ubapatizo wa Mzimu Mutuwa.

²⁸⁵ Pokerani Mzimu Mutuwa. Pokerani Mzimu Mutuwa, wantru awa muno awo wayimirira ndipo wakulindizga Kuwapo na nkhongono ya Chiuta kuti yizuzge maumoyo ghawo. 

MBATA YIKUPEREKA KALIRIRO KAMBURA KURONGOSOKA CTK63-0114
(A Trumpet Gives An Uncertain Sound)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Mande kumise, Janyuware 14, 1963, pa Christian Assembly mu Phoenix, Arizona, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na Voice Of God Recordings.

CHITUMBUKA

©2023 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuŵa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyeroy vinyakhe, panji kuligwiriska ntchito pa kupempheskera ndalamu kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org